

171
1976



საქართველოს სსრ განათლების სამინისტრო, ეროვნული
ბიბლიოთეკა

ბრძანებთა და ინსტრუქციათა

ქ რ ე ბ უ ლ ი

1

С Б О Р Н И К

ПРИКАЗОВ И ИНСТРУКЦИИ

МИНИСТЕРСТВО ПРОСВЕЩЕНИЯ ГРУЗИНСКОЙ ССР

0 2 6 3 2 6 0

თბილისი 1976

რედაქტორი უშ. ობოლაძე
კორექტორი ე. ქურციკიძე
ტექ. რედაქტორი ეკ. ნეშუმაშვილი

შანი 10 კაპ.

ბელმოწერილია დასაბეჭდად 31/III-76 წ. ანაწყოების ზომა 6×9,5,
ქაღალდის ზომა 60×84, სასტამბო ფორმათა რაოდენობა 4.

შეკვ. № 215

უე—04063

ტირაჟი 5.000

საქ. სსრ მინისტრთა საბჭოს გამომცემლობათა, პოლიგრაფიისა და წიგნის
ვაჭრობის საქმეთა სახელმწიფო კომიტეტის სტამბა № 11.

უშ. ჩხეიძის ქ. № 19

Типография № 11, Государственного комитета по делам издательств,
полиграфии и книжной торговли Совета Министров Грузинской ССР,
ул. Уш. Чхендзе № 19

საქართველოს სსრ განათლების სამინისტროს 1975 წლის
30 დეკემბრის ბრძანება № 1065

სკოლის თაობაზე სკკპ XXIV ყრილობისა და სკკპ ცენტრალური
კომიტეტისა და სსრ კავშირის მინისტრთა საბჭოს მომდევნო დადგე-
ნილებათა შესრულების შესახებ საჩხერის რაიონში

რაიონი სკოლების სამმართველოს ბრიგადის შემოწმების მასა-
ლებით ირკვევა, საჩხერის რაიონის სახალხო განათლების განყოფი-
ლებასა და ზოგადსაგანმანათლებლო სკოლებს ერთგვარი მუშაობა ჩა-
უტარებთ სკოლის თაობაზე სკკპ XXIV ყრილობის გადაწყვეტილე-
ბათა, სოფლის სკოლების მუშაობის პირობების შემდგომი გაუმჯობე-
სების შესახებ სკკპ ცენტრალურ კომიტეტისა და სსრკ მინისტრთა
საბჭოს 1973 წლის 2 ივლისის დადგენილების პრაქტიკაში განსახორ-
ციელებლად. კერძოდ, აშენდა და კეთილმოეწყო არგვეთის, კობო-
ულის 1-ლი, სიბრხის, ქორეთის, არგვეთის საშუალო, სავანის, ორ-
ღულის 8 წლიანი სკოლები. თვალსაჩინოებითა და სწავლების ტექნი-
კური საშუალებებით შეივსო კაბინეტ-ლაბორატორიები, სახელოსნო-
ები, ერთგვარად გაუმჯობესდა სასწავლო-აღმზრდელი მუშაობა.
მიუხედავად ამისა, რაიონის განათლების განყოფილებასა და
ზოგადსაგანმანათლებლო სკოლებს მუშაობაში გააჩნიათ, სერიოზული
ნაკლოვანეანი:

რაიონის ბევრ სკოლას მუშაობა უხდება ავარიულ და შეგუე-
ბულ შენობებში. საჩხერის სამივე სკოლაში, სხეიტორის, ჩიხის საშუ-
ალო, მახათაურის 8 წლიანი სკოლებში არავითარი პირობა არ არსე-
ბობს სასწავლო-აღმზრდელი მუშაობის თანამედროვე მოთხოვნა-
თა დონეზე წარმართვისათვის. მოსწავლეებს მეცადინეობა უხდებათ
ბნელ და უპაერო ოთახებში, ხელოვნური განათების პირობებში, სა-
დაც სასწავლო თვალსაჩინოებისა და ტექნიკური საშუალებების გამო-
ყენება თითქმის შეუძლებელია.

საჩხერის რაიონში ძალზე სუსტად არის განვითარებული სასკო-
ლო ინტერნატების ქსელი მაშინ, როცა ბევრ სკოლაში მოსწავლეები

სახელმწიფო
ბმ. ლ.

3

5 და მეტი კილომეტრით დაშორებულნი სოფლებიდან დაღონ
ლთად: ცხომარეთის დამოუკიდებელ დაწყებით სკოლაში
ასაკის ბავშვებს 5 კმ, ხოლო მოხვის 8 წლიანი სკოლის
მოსწავლეს კი 20 კმ-ზე შორი მანძილის ვაგლა უზღუდა სკოლამდე).

ბევრ სკოლაში მოუგვარებელია გახანგრძლივებული დღის ვაკუ-
უმების მუშაობა. მოგვარებას მოითხოვს სასკოლო ბუფეტების კვების
პროდუქტებით მომარაგების საკითხი.

რაიონში აშკარად მოსაგვარებელია სკოლის ხელმძღვანელი კად-
რების შერჩევისა და განაწილების საქმე, საჩხერის რაიონის 15 საშუ-
ალო და 8 წლიან სკოლაში დირექტორი და მისი მოადგილეები ერ-
თიდაიგივე ან მონათესავე საცნების სპეციალისტები არიან, რაც შეუძ-
ლებელს ხდის სწავლო-აღმზრდელობითი მუშაობისადმი სრულყო-
ფილ კონტროლსა და დახმარებას (უფრო მეტი, აღნიშნული სკოლე-
ბის ხელმძღვანელთაგან 24 გეოგრაფი ან ისტორიკოსია). ნაკლოვანე-
ბებია სკოლების პედაგოგიური კადრებით დაკომპლექტების საქმეშიც:
მერჯევის საშუალო სკოლაში ფიზკულტურას ასწავლის სპეციალო-
ბით ეკონომისტი ლ. იაკობაშვილი, ხოლო იტავაზის საშუალო სკო-
ლაში გერმანულ ენას წლების მანძილზე ასწავლის არასპეციალისტი
პენსიონერი მ. დეკანოძე, როცა მის გვერდით გერმანული ენის სპე-
ციალისტი იძულებულია, რუსული ენის მასწავლებლად იმუშაოს.

სერიოზული ნაკლოვანებებია სხვადასხვა საგნის სწავლების საქ-
მეში. მასწავლებლები ც. ცუხიშვილი (ჩიხის საშუალო სკოლა), ნ. წიგ-
ნაძე, რ. ჭელიძე, ვ. მიქაძე, ნ. ფხალაძე (საირხის საშუალო სკოლა),
მ. დეკანოძე (იტავაზის საშ. სკოლა), მ. მეგრელიშვილი, ს. კუბრა-
შვილი, ნ. მუკათარიძე (მახათაურის 8 წლიანი სკოლა), შ. მაჭავარი-
ანი (საჩხერის I საშ. სკოლა), ლ. იაკობაშვილი (მერჯევის საშ. სკო-
ლა), კ. კიპაროძე (არგვეთის საშ. სკოლა) და სხვ. სერიოზული ხარ-
ვეზებით წარმართავენ მუშაობას, ვაკევეთილებს ატარებენ დაბალ მეც-
ნიერულ და მეთოდურ დონეზე, სწავლების პროცესში არ იყენებენ
თვალსაჩინოებასა და სწავლების ტექნიკურ საშუალებებს, არ იჩენენ
მუშაობაში სიახლის შეტანის სურვილსა და უნარს. აღნიშნულ გარე-
მოებათა გამო, მათი მოსწავლეები ვერ ავლენენ სათანადო ცოდნას,
ამკლავებენ სრულ უწიგნურობასა და სხვადასხვა დისციპლინაში
ვლემენტარული საკითხების უცოდინარობას.

ნაკლოვანებებია კლასგარეშე და სკოლისგარეშე აღმზრდე-
ლობით, პიონერული და კომკავშირული ორგანიზაციების მუშა-
ობაში. მათ ვერავითარ მეთოდურ დახმარებას ვერ უწყევს რაიმე

ნის პიონერთა სახლი (დირექტორი ნ. კომლადე), რომლის მუშაობა გაურბიან სკოლებში მისელასა და მათ მასობრივ ღონისძიებებში მონაწილეობას.



რაიონის სკოლებში სუსტად ტარდება მუშაობა მოსწავლეთა და მათ მშობელთა შორის ათეისტური აღზრდის მიზნით, წარსულის მანე ვადმონაშთების წინააღმდეგ საბრძოლველად. მოხვის რეაწლიანი სკოლის ეზოში სასაულაოა მოთავსებული და ბაშეები, ხშირად, ადამიანის გარდაცვალებასთან დაკავშირებული სამკლოვიარო რიტუალის შესრულების მოწმენი ხდებიან.

განათლების განყოფილებისა და სკოლების მუშაობაში გამოღონებულ ნაკლოვანებათა აღმოფხვრის მიზნით,

ვ ბ რ ძ ა ნ ე ლ :

1. საჩხერის რაიონის განათლების განყოფილებამ (ამხ. კ. ნადირაძე):

—ადგილობრივი ხელმძღვანელი პარტიული და საბჭოთა ორგანოების დახმარებით გადამტკრელი ღონისძიებანი გაატაროს რაიონის ზოგადსაგანმანათლებლო სკოლებში სასწავლო-აღმზრდელოებითი მუშაობის მკვეთრად გააუმჯობესებლად, სკოლის თაობაზე სკკპ ცენტრალური კომიტეტისა და სსრ კავშირის მინისტრთა საბჭოს მომდევნო დადგენილებათა ცხოვრებაში განსაზოციელებლად;

—1976 წლის 1-ელ მისამდე შეიმუშაოს კონკრეტული ღონისძიებანი სკოლების სასწავლო-მატერიალური ბაზების გაუმჯობესებანმტკიცების, სასწავლო კაბინეტებისა და სახელოსნოების მოწყობის, სკოლების ახლო მომავალში სწავლების კაბინეტურ სისტემაზე გადასაყვანად და სხვ;

—მიიღოს ქმედითი ზომები რაიონში საყოველთაო-სავალდებულო რეაწლიანი სწავლების განზორციელებისა და საყოველთაო საშუალო განათლებაზე გადასვლის დამთავრებისათვის. ამ საქმეში მკაცრად იხელმძღვანელოს ზემდგომი ორგანოების სადირექტივო მითითებებზე;

—გადამტკრელი ღონისძიებანი გაატაროს სკოლების ხელმძღვანელი კადრების განაწილებისა და ხარისხობრივი ღონის ამაღლებისათვის. მიიღოს ზომები, რათა სკოლის დირექტორები და მათი მოადგიელები იყვნენ სხვადასხვა ციკლის საგნების სპეციალისტები, რათა შესაძლებელი იყოს ეფექტური კონტროლი და დახმარებ რეგორც პე-

მანიტარული, ისე მათემატიკურ-საბუნებისმეტყველო საგნების სწავლებისას;

— მიიღოს ზომები რაიონის სკოლების უმადლესი სწავლებლების განათლების მქონე პედაგოგიური კადრებით დასაკომპლექტებლად.

2. საჩხერის რაიონის სახალხო განათლების განყოფილების პედაგოგიურმა კაბინეტმა (გამგე ამხ. კ. ხოჯაშვილი);

— გააძლიეროს მუშაობა მასწავლებელთა იდეურ-პოლიტიკური, პედაგოგიურ-მეთოდოლოგიური და მეცნიერული ღონის ასამაღლებლად;

— გაატაროს ვადამჭრელი ღონისძიებანი სწავლებაში ტექნიკური საშუალებების, თვალსაჩინოების დასაწერად, სწავლების თანამედროვე ხერხებისა და მეთოდების დასაუფლებლად;

— მიიღოს ზომები ფილმოტეკის მუშაობის გასაუმჯობესებლად.

3. სკოლების დირექტორებმა და სასწავლო-აღმზრდელობითი მუშაობის დარჯში მათმა მოადგილეებმა:

— გააუმჯობესონ სასწავლო-აღმზრდელობითი პროცესისადმი ხელმძღვანელობა და კონტროლი;

— სკოლაში მთელ სასწავლო-აღმზრდელობით მუშაობას საფუძვლად დაუდონ სკოლის წლიური სამუშაო და პედაგოგიური საბჭოს გეგმები, რომლებშიც გათვალსწინებულ იქნება სკოლის ყოველდღიური მუშაობის შინაარსი;

— მიიღონ ზომები საყოველთაო-სავალდებულო რვაწლიანი კანონის შესრულებისა და საყოველთაო საშუალო განათლებაზე გადასვლის წარმატებით დამთავრებისათვის; იბრძოლონ ვაკეეთილების არასაპატიო მიზეზით გაცდენისა და აკადემიური ჩამორჩენილობის წინააღმდეგ;

— სისტემატურად მოისმინონ ვაკეეთილები და მისი პედაგოგიურ-მეთოდურად გამართული ანალიზით ქმედითი დახმარება გაუწიონ საგნის მასწავლებლებს. ვაკეეთილის ცხრილის შედგენისას აუცილებლად გაითვალისწინონ პედაგოგიური და მეთოდური პრინციპები;

— საგნის მასწავლებელთათვის მეთოდური დახმარების მიზნით სისტემატურად დაესწრონ საგნობრივ მეთოდგაერთიანებათა სხდომებს. აქტიური მონაწილეობა მიიღონ მათ მუშაობაში;

— სრულ წესრიგში იქონიონ სასკოლო დოკუმენტაცია, მასწავლებლებს განუმარტონ მათი წარმოების წესი.

4. კლასგარეშე და სკოლისგარეშე აღმზრდელობითი მუშაობის ორგანიზატორებმა თავიანთ მუშაობას საფუძვლად დაუდონ სკოლის მუშაობის საერთო შინაარსიდან გამომდინარე, ვინიერულად მოფიქ-

რებული გეგმა, რომელშიც, მოსწავლეთა იდეურ-ზნეობრივი, პატრი-
ოტულ-ინტერნაციონალური, ათვისტური და ესთეტიკური ^{აღზრდის}
საკითხების გვერდით, გათვალისწინებულ იქნება ბრძოლა ^{საზრუნველად}
მანე გადმონაშთების, კერძომესაკუთრული ტენდენციებისა და სხვათა
წინააღმდეგ.

5. რაიონის პიონერთა და მოსწავლეთა სახლმა (ამხ. ნ. კომ-
ლაძე):

—ძირეულად გარდაქმნას მუშაობა. უფრო ცოცხალი და შინა-
არსიანი გახადოს წრეების მუშაობა;

—სისტემატიურად სკოლებში მისვლით ქმედითი მეთოდური
დახმარება გაუწიოს კლასგარეშე და სკოლისგარეშე აღმზრდელობითი
მუშაობის ორგანიზატორებს, უფროს პიონერხელმძღვანელებს, პიონე-
რული და კომკავშირული კლასების ხელმძღვანელებს, აქტიური მო-
წოდება მიიღოს მოსწავლეთა სასკოლო და სკოლისგარეშე მასობ-
რივ ღონისძიებებში.

6. საგნის მასწავლებლებმა:

—იზრუნონ საკუთარი იდეურ-პოლიტიკური და თეორიული
მომზადებისათვის;

—სწავლების ახალი მეთოდებისა და ხერხების გამოყენებით
სრულყონ სასწავლო-აღმზრდელობითი პროცესი, აამაღლონ გაკვე-
თილების ეფექტურობა, შეაიარაღონ მოსწავლეები მეცნიერე-
ბათა საფუძვლების მტკიცე ცოდნით. გაკვეთილის პროცესში სულ
უფრო ფართოდ დანერგონ სწავლების მოწინავე ხერხები და მეთო-
დები, მინიმუმამდე დაიყვანონ მოსწავლეთა აკადემიური ჩამორჩე-
ნილობა.

7. სასწავლო-აღმზრდელობითი მუშაობისადმი სუსტი კონტრო-
ლისა და ხელმძღვანელობის და საგნის დაბალ ღონეზე სწავლებისათ-
ვის არგვეთის საშუალო სკოლის დირექტორს ვ. კიპაროიძეს გამოეც-
ხადოს საყვედური.

8. სასწავლო-აღმზრდელობითი მუშაობაში სუსტი ხელმძღვანე-
ლობისათვის მახათურის რვაწლიანი სკოლის დირექტორს ო. იაშ-
ვილს, პიონერთა და მოსწავლეთა რაიონული სახლის დირექტორს
ნ. კომლაძეს მიეთითოთ.

9. საგნის სუსტად სწავლებისა და მოსწავლეთა დაბალი მომზა-
დების გამო საჩხერის 1-ლი საშუალო სკოლის ფიზკულტურის მასწავ-
ლებელს შ. მაჭავარიანსა და მერჯვევის საშუალო სკოლის ამავე საგ-

ნის მასწავლებელს ლ. იაკობაშვილს გამოეცხადოთ სასტავო საყვედურო.

10. საგნის სწავლების საქმეში არსებული სერიოზული ვანებებისათვის ჩიხის საშუალო სკოლის მათემატიკის მასწავლებელს ც. ცუბიშვილს და საირხის საშუალო სკოლის ქართული ენისა და ლიტერატურის მასწავლებლებს: რ. ჭელიძეს, ვ. მიქაძეს, ნ. ფხალაძეს, ამავე სკოლის მათემატიკის მასწავლებელს ნ. წიგნაძეს, მახათაურის 8 წლიანი სკოლის ფიზკულტურის მასწავლებელს ნ. მუკათარიძეს გამოეცხადოთ საყვედურო.

11. საგნის სწავლების დაბალ დონეზე დაყენებისათვის საჩხერის 1-ლი, ჩიხის საშუალო სკოლის მათემატიკის მასწავლებლებს ვ. ქველაძესა და კ. მარგველაშვილს მიეთითაოთ.

12. დაევალოს საჩხერის რაიონის სახალხო განათლების განყოფილებას (ამხ. კ. ნადირაძეს):

ა) განიხილოს პენსიონერი მასწავლებლების თ. ლუღუნიშვილის (საირხის საშ. სკოლა), მ. დეკანოიძის (იტაგაზის საშ. სკოლა), ს. კუბრაშვილისა და ს. აბუთიძის (მახათაურის 8-წლიანი სკოლა) საკითხი და ენიღდან მათ არ ძალუძთ, დაძლიონ ახალი პროგრამებითა და სახელმძღვანელოებით სწავლების სიძნელენი, სასწავლო წლის ბოლოს, სათანადო წესის დაცვით, დაითხოვოს სამუშაოდან;

ბ) 1976 წლის 1-ლ მისამდე მოახსენოს განათლების სამინისტროს ამ ბრძანებით გათვალისწინებულ დავალებათა შესასრულებლად და ბრიკადის მოხსენებით ბარათში აღნიშნულ ნაკლოვანებათა აღმოსაფხვრელად ჩატარებული მუშაობის შესახებ.

13. ეს ბრძანება და მოხსენებითი ბარათი სახალხო განათლების საბჭოსა და სკოლებში განსახილველად და მუშაობაში გამოვლინებული ნაკლოვანებების აღმოსაფხვრელად სათანადო ღონისძიებების შესამუშავებლად გადაეგზავნოს საჩხერის რაიონის სახალხო განათლების განყოფილებასა და ზოგადსაგანმანათლებლო სკოლებს.

14. კონტრაქტი ამ ბრძანების შესრულებაზე დაევალოს სკოლების სამმართველოს (ამხ. რ. კანდელაკი).

საფუძველი: საქართველოს სსრ განათლების სამინისტროს კოლეგიის 1975 წლის 25 დეკემბრის დადგენილება.

მ ი ნ ი ს ტ რ ი თ. ვ. ლაშქარაშვილი

საქართველოს სსრ განათლების მინისტრს

ანხ. თ. ლაშქარაშვილს

მოსხენებითი ბაკათი

სკოლის თაობაზე სკკპ XXIV ყრილობისა და სკკპ ცენტრალური კომიტეტისა და სსრკ მინისტრთა საბჭოს მომდევნო დადგენილებათა შესრულების მდგომარეობის შესახებ საჩხერის რაიონში

მიმდინარე წლის 10-დან 17 ნოემბრამდე განათლების სამინისტროს სკოლების სამმართველოს ბრიგადაში, განათლების სამინისტროს სასკოლო ინსპექტორების ე. ქურციკიძის (ხელმძღვანელი), ნ. გიორგობიანის, თ. მელქაძის, მ. დევედარიანის, ნ. ახვლედიანის, გ. გიორგობიანის, სამინისტროს სტატისტიკური განყოფილების უფროსის ი. უგულავას, სწავლებაში ტექნიკურ საშუალებათა გამოყენების რესპუბლიკური მეთოდკაბინეტის მეთოდისტების თ. ავალიშვილის, ნ. ბენდიანიშვილის, ლ. ჯანიაშვილისა და მოსწავლეთა იდეურ-ზნეობრივი აღზრდის ცენტრის მეთოდისტის ზ. ოდიშარას შემადგენლობით, შეისწავლა სახალხო განათლების მდგომარეობა საჩხერის რაიონში. შემოწმებულ იქნა სასწავლო-აღმზრდელობითი მუშაობა საჩხერის 1-ლ, მე-2 და მე-3, არგვეთის, ჩიხის, საირხის, მერჯვეის საშუალო, მახათაურის, სევანის, იტავაზის რვაწლიან, მერჯვეის დაწყებით სკოლებში, აგრეთვე საჩხერის პიონერთა სახლში.

ბრიგადა თავის მუშაობაში მიზნად ისახავდა, სკოლებში სასწავლო-აღმზრდელობითი მუშაობის შემოწმების პარალელურად, შეისწავლა, როგორ სრულდება რაიონში სკკპ ცენტრალური კომიტეტისა და სსრკ მინისტრთა საბჭოს 1973 წლის დადგენილება „სოფლის სკოლების მუშაობის პირობების შემდგომი გაუმჯობესების ღონისძიებათა შესახებ“, რა მდგომარეობაა განათლების განყოფილებისა და სკოლების კადრებით დაკომპლექტების საქმეში, როგორ სრულდება საყოველთაო სწავლების კანონი და სხვ.

სოფლის სკოლების მუშაობის პირობების შემდგომი გაუმჯობესების შესახებ ზემდგომი ორგანოების დადგენილებათა და საქართველოს სსრ განათლების სამინისტროს შესაბამისი ბრძანებისა და განკარგულებლად საჩხერის რაიონში გარკვეული მუშაობაა ჩატარებული. კერძოდ: უკანასკნელ წლებში ექსპლოატაციაში შევიდა ბევრი სასკოლო შენობა; მათ შორის სავანის მ-წლიანი სკოლისა და არვეეთის საშუალო სკოლის შენობები, კარგ მდგომარეობაშია ქორეთის, საჩხერის მე-3 და სხვა სკოლები, სადაც სწავლების კაბინეტურ სისტემაზე გადასვლის პირობებია შექმნილი. მაგრამ, სამწუხაროდ, ბევრგან სასწავლო-მატერიალური ბაზა მინიმალურად ვერ პასუხობს დღევანდელ მოთხოვნებს. ჯერ კიდევ ბევრი სკოლა მოთავსებულია სწავლებისათვის შეუფერებელ, ავარიულ ან შეგუებულ შენობებში, სადაც სასწავლო პროცესის ნორმალურად წარმარება ყოვლად შეუძლებელია. ასეთ სასკოლო შენობებშია მოთავსებული შერჯვევის, ჩიხის, სხვიტორის, მოხვის, საჩხერის 1-ლი, მ.ხათაურისა და სხვა სკოლები, სადაც ბაზის უკმარისობის გამო, არც ერთი ნორმალური სასწავლო კაბინეტი არ გაჩნიათ.

ძალზე მძიმე მდგომარეობაშია მახათაურის მ-წლიანი სკოლა. იგი ერთპარტიულიან ძველ შენობაშია მოთავსებული. იმის გამო, რომ ფართობი არ ყოფნით, კლასების ნაწილი მეურნეობის კლუბშია მოთავსებული, რომელიც სასკოლო შენობიდან დიდი მანძილით არის დაშორებული. საკლასო ოთახები იმდენად ბნელია, რომ მოსწავლეებს ხელოვნური განათების პირობებში უბედვით მეცადინეობა. სკოლას არ გააჩნია ბუფეტი. მის მაკვივრობას ასრულებს ხის ჯიხური, რომელშიც ძალზე დაძველებული და საჭმელად უკვე გამოუსადეგარი პროდუქტი აწყვიტა.

ავარიულ შენობაშია მოთავსებული სხვიტორის საშუალო სკოლა (მეფის გენერლის, სე. წერეთლის ყოფილი ბინა). დერეფანში და ოთახებში იატაკი დაფუტურებული და დამპალია. სკოლაში კაბინეტურ სწავლებაზე ლაპარაკი ზედმეტია. ფიზკულტურის დარბაზად სარდაფი არის გამოყენებული, რომლის შესასვლელში სახელოსნოა „გამათული“.

მოხვის მ-წლიანი სკოლა ორი ფიცრული სახლისაგან შედგება. საკლასო ოთახები და სასკოლო ინვენტარი თუმცა ძველია, მაგრამ ძალზე სუფთა და მოვლილია. ჩვენი ყურადღება მიიპყრო ერთმა უსიამოვნო ფაქტმა: სკოლის ეზოს ნაწილი სასაფლაოს უჭირავს და ბავშვები შესვენების დროს საფლავებს შორის დარბიან, მიუხედა-

ვად სკოლის ხელმძღვანელობის მრავალგზის ცდისა, სას ფლავოს სხვა-
გან გადატანა ადგილობრივი მოსახლეობის სიჯიუტის გამო ვერ
მოხერხდა.

ადგილობრივ რელიეფური პირობების გამო ზოგიერთ სკოლა-
ში მისასვლელად მოსწავლეებს 25 კილომეტრამდე მნიძილის გავლა
უწევთ, რაც ზამთარში წარმოუდგენლად ძნელია. საჭიროა საჩხერის
რაიონში ფართოდ გაიშალოს სასკოლო ინტერნატე ის მშენებლობა.

საჩხერის რაიონის განათლების განყოფილებასა და ზოგადსაგან-
მანათლებლო სკოლებს უკანასკნელ წლებში გარკვეული მუშაობა აქვთ
ჩატარებული საქართველოს კვ ცენტრალური კომიტეტისა და საქარ-
თველოს სსრ მინისტრთა საბჭოს 1972 წლის 5 სექტემბრის № 474
დადგენილების— „ახალგაზრდობის საყოველთაო საშუალო განათლე-
ბაზე გადასვლის დამთავრებისა და ზოგადსაგანმანათლებლო სკოლის
შემდგომი განვითარების შესახებ“ და საქართველოს სსრ განათლების
სამინისტროს შესაბამისი ბრძანებების შესასრულებლად. ამ მუშაობის
უშუალო შედეგია ის გარემოება, რომ საჩხერის რაიონმა შეასრულა
მოსწავლეთა კონტინენტის სახალხო-სამეურნეო გეგმა. ყოველ შემოწ-
მებულ სკოლაში კარგად წარმოებს სკოლიდან გასულ მოსწავლეთა
შემდგომი საქმიანობის აღრიცხვა და სხვ.

მიუხედავად ამისა, საყოველთაო-სავალდებულო სწავლების კა-
ნონის განხორციელებისა და საყოველთაო საშუალო განათლებაზე გა-
დასვლის დამთავრების საქმეში არსებობს ნაკლოვანებანი:

მერჯვეის საშუალო სკოლის 39 კურსდამთავრებულნი და საზო-
გადოებრივ-სასარგელო საქმიანობაში არ არის ჩამული 4 ახალგაზ-
რდა, ჩიხის საშუალო სკოლის 1 რეაკლასდამთავრებული არც სწავ-
ლობს, არც მუშაობს, ხოლო ათკლასდამთავრებულთაგან უმუშევარი
12 ახალგაზრდა. ასევე, არ სწავლობს და არ მუშაობს სავანის 8-წლი-
ანი სკოლის 1 კურსდამთავრებული. ვარდა ამისა, I—VIII კლასები-
დან განითესა 3 მოსწავლე (2 ვათხოვდა, ხოლო 1 მოეწყო სამუშაო-
ზე), IX—X კლასებიდან განითესა 10—მოსწავლე (4 გაირიცხა უღირ-
სი საქციელისათვის, 2 ვათხოვდა, 4 მოსწავლე კი სამუშაოზე მოეწ-
ყო). მიმდინარე სასწავლო წელს განათლების განყოფილების მიერ ჩა-
ტარებული აღწერის შედეგად გამოვლინდა 16—29 წლის 692 ახალ-
გაზრდა, რომელთაც არ გააჩნიათ რვაწლიანი და საშუალო განა-
თლება.

საჩხერის რაიონის სკოლების მოსწავლეთა აკადემიური მოსწრე-
ბის საერთო მაჩვენებელი 0,3%-ით ჩამორჩება საერთო რესპუბლი-
კურს და შეადგენს 98,2%-ს. უფრო ცუდი მდგომარეობაა პირველი

მეთხედის შედეგად. მაგალითად: პირველი მეთხედის აკადემიური მოსწრება შეადგენდა:

არგვეთის საშუალო სკოლაში—80,4%,

ჩიხის საშუალო სკოლაში—82,5%,

სხვიტორის საშუალო სკოლაში—85,2%,

სავანის 8-წლიან სკოლაში—82,3%,

მახათურის 8-წლიან სკოლაში—89,5% და ა. შ.

ასევე დიდია გაცდენილი ვაკვეთილების რაოდენობა (არგვეთის საშ. სკოლაში—2939, აქედან არასაპატიო მიზეზით—1328; ჩიხის საშ. სკოლაში—2289, არასაპატიო—143; სხვიტორის საშ. სკოლაში—769, არასაპატიო—151; სავანის 8 წლიან სკოლაში—1098, არასაპატიო—273 და სხვ.).

1967—1968 სასწავლო წელს საჩხერის რაიონის სკოლების პირველ კლასებში ჩაირიცხა 1253 მოსწავლე, მათგან 1975 წელს 8 კლასი დაამთავრა 1187-მა, ანუ 94,7%-მა. 1968—1969 სასწავლო წელს საჩხერის რაიონის სკოლების პირველ კლასში ჩაირიცხა 1235 მოსწავლე, მათგან ამჟამად მე-8 კლასებში სწავლობს 1184 ანუ 95,9%.

ნაკლოვანებები საყოველთაო-სავალდებულო რვაწლიანი სწავლების კანონის განხორციელებისა და საყოველთაო საშუალო განათლებაზე გადასვლის საქმეში აიხსნება საჩხერის რაიონის განათლების განყოფილებისა და სკოლების არასაკმაო მუშაობით.

სასწავლო-აღმზრდელი მუშაობაში წარმატების მისაღწევად აუცილებელია მძალეკალიფიციური შინასასკოლო ხელმძღვანელობა და კონტროლი, როგორ ახერხებენ ამას საჩხერის რაიონის სკოლების ხელმძღვანელები?

საირჩის საშუალო სკოლის დირექტორს შ. ჭიხორიას შემოწმების დროისათვის მოსმენილი ჰქონდა 28 ვაკვეთილი. გარეგნული თვალსაზრისით ანალიზების რვეული კარგ შთაბეჭდილებას ტოვებს. მასში ვარკვეულად არის მითითებული საგანი, მასწავლებელი, ვაკვეთილის შინაარსი და სხვ., მაგრამ თვით ვაკვეთილის ანალიზი ზედამიროულია და აღწერის ხასიათს ატარებს.

მცირე რაოდენობით აქვთ მოსმენილი ვაკვეთილები არგვეთის საშუალო სკოლის დირექტორს ვ. კიპაროიძეს (12) და მის მოადგილეს სასწავლო-აღმზრდელი მუშაობის დარგში ზ. მოდებაძეს (15).

მეთოდური თვალსაზრისით ვერაფეთარ დახმარებას ვერ უწყევს მასწავლებლებს ჩიხის საშუალო სკოლის დირექტორის მოადგილის,



თ. მეცხვარიშვილის მიერ მოსმენილი გაკვეთილების ანალიზი. რეგ/თვით საჭიროებს მეთოდის საკითხებში გარკვევას (სულ 19 წუთსაა მისი რაოდენობა).
ზიგალოვსა და ზიგალოვსა

მეტ-ნაკლებად მსგავსი მდგომარეობაა სხვა სკოლებშიც.

სკოლაში სასწავლო-აღმზრდელობითი მუშაობის წარმატება წარმოუდგენელია კარგად მოფიქრებული სამუშაო გეგმის გარეშე. ამ მხრივ, საჩხერის რაიონის სკოლებში საკმაოდ ცუდი მდგომარეობაა.

შემოწმებული სკოლების სამუშაო გეგმებში, რომლებიც შვიდი — რვა თვისაგან შედგება, თავმოყრილია უმრავი საკითხი, მაგრამ არ არის გათვალისწინებული სკოლის მუშაობის ისეთი მნიშვნელოვანი უბანი, როგორცაა მოსწავლეთა პროფესიული ორიენტაცია, მოსწავლეთა სამხედრო-პატრიოტული აღზრდა (საჩხერის 1-ლი, საირხის საშუალო, მახათაურის 8-წლიანი სკოლები). უფრო მეტი, ჩიხის საშუალო სკოლის სამუშაო გეგმა გადაწერილია შარშანდელი გეგმიდან. წლებანდელი საკითხები თითქმის მთლიანად ემახვევა შარშანდელს. ამასთან, საკითხები ან არასწორად არის ფორმულირებული, ან შეცდომებია დაშვებული. მაგალითად: „სსრ კავშირის კონსტიტუციის გერმანიაზე და იაპონიაზე გამარჯვების საბჭოთა არმიისა და საქართველოს გასაბჭოების, 8 მარტის, ვ. ი. ლენინის დაბადების დღეებისადმი მიძღვნილი საზეიმო სხდომებისა და საუბრების ჩატარება“.

„ინციტურობისა და დამოუკიდებელი განვითარება მოსწავლეებში“.

„შრომისადმი კომუნისტური დამოკიდებულება მოსწავლეებში“.

(სტილი დაცულია).

როგორც იტყვიან, კომენტარები ზედმეტია. სკოლის სამუშაო გეგმა მთელი სასწავლო-აღმზრდელობითი მუშაობის სარკე უნდა იყოს: ასეთი სარკე, ალბათ, ვერაფერი გამოსადეგი იქნება.

სასწავლო-აღმზრდელობითი მუშაობის ძირითადი მამოძრავებელი ძალა მასწავლებელია. ამიტომ, იმაზე, თუ როგორ არის შერჩეული მასწავლებელთა და სკოლის ხელმძღვანელთა კადრი, ბევრად არის დამოკიდებული სასწავლო-აღმზრდელობითი მუშაობის ბედი. საჩხერის რაიონის სკოლებში კი ამ მხრივ, განსაკუთრებით სკოლების ხელმძღვანელი კადრების შერჩევისა და განაწილების მხრივ, საერთოდ, ძალზე ცუდი მდგომარეობაა. რაიონის ბევრ სკო-

ლაში, ხელმძღვანელი კადრების შერჩევას, არ არის დაცული საინფორმაციო მონაცვლეობის პრინციპი, რაც სკოლაში სასწავლო-აღმზრდველობით მუშაობაზე კონტროლისა და დახმარების აუცილებელ მექანიზმებს იმაზე, თუ რამდენად მძიმე მდგომარეობაა ამ მხრივ, მეტყველებს შემდეგი მონაცემები:

1. საირჩხის საშუალო სკოლაში დირექტორი ისტორიკოსია, ხოლო მისი მოადგილეებიდან ერთი—ისტორიკოსი და მეორე—ქართული ენისა და ლიტერატურის სპეციალისტი;

2. მერჯევის საშუალო სკოლაში—დირექტორი—ისტორიკოსი, მოადგილეები—ისტორიკოსი და ფილოლოგი;

3. ქორეთის საშუალო სკოლაში—დირექტორი—ისტორიკოსი, პირველი მოადგილე—გეოგრაფი და მეორეც—გეოგრაფი;

4. ჯალაურთის საშუალო სკოლაში—დირექტორი—გეოგრაფი, მოადგილე—ისტორიკოსი, მეორე კი დაწყებითი განათლების სპეციალისტი;

5. ქალის საშუალო სკოლაში—დირექტორი—ფილოლოგი, პირველი მოადგილე—გეოგრაფი, მეორე მოადგილე—ისტორიკოსი, ორგანიზატორი—ისტორიკოსი;

6. სარეის საშუალო სკოლაში — დირექტორი — გეოგრაფი, მოადგილეები—ისტორიკოსი და გეოგრაფი;

7. ნიგვზარის 8-წლიან სკოლაში—დირექტორი—ფიზიკოსი, მოადგილე—მათემატიკოსი;

8. მახათაურის 8-წლიან სკოლაში—დირექტორი—ბიოლოგი, მოადგილე—მათემატიკოსი;

9. ჭორვილის 8-წლიან სკოლაში—დირექტორი—გეოგრაფი, მოადგილე—ისტორიკოსი;

10. მოხვის 8-წლიან სკოლაში—დირექტორი—ისტორიკოსი, მოადგილე—გეოგრაფი;

11. ზემო არგვეთის 8-წლიან სკოლაში—დირექტორი—გეოგრაფი, მოადგილე—ისტორიკოსი;

12. სისვაძეების 8-წლიან სკოლაში—დირექტორი—ისტორიკოსი, მოადგილე—გეოგრაფი;

13. ცხამის 8-წლიან სკოლაში—დირექტორი—ისტორიკოსი, მოადგილე—გეოგრაფი;

14. სავანის 8-წლიან სკოლაში—დირექტორი—უცხოური ენის სპეციალისტი, მოადგილე—გეოგრაფი;



15. შომახეთის 8-წლიან სკოლაში—დირექტორი—ისტორიკოსი,

მოადგილე—გეოგრაფი.

სკოლების ხელმძღვანელთა ასეთი შემადგენლობა, ცხადია, გამორიცხავს პედაგოგიური კოლექტივებისადმი საქმიანი დახმარებისა და კონტროლის შესაძლებლობას.

ნაკლოვანებანი გამოვლინდა აგრეთვე რიგითი პედაგოგიური კადრის შერჩევის საქმეშიც. მაგალითად:

მერჯევის საშ. სკოლაში სპეციალობით გეოგრაფი თ. ს. კომლაძე ასწავლის ბიოლოგიას, ხოლო საფინანსო-ეკონომიური ფაკულტეტის კურსდამთავრებული ლ. ვ. იაკობაშვილი—ფიზკულტურას; მახათაურისა და იტავაზის 8-წლიან სკოლებში გერმანული ენის სპეციალისტი ე. გ. ნოზამე ასწავლის რუსულ ენას, ვანაიდან არასპეციალისტ პენსიონერ დეკანოიძეს არ სურს თავი დაანებოს მუშაობას და განაგრძობს გერმანული ენის ძალზე ცუდად სწავლებას; საჩხერის მე-3 საშუალო სკოლაში საზოგადოებათმცოდნეობას ასწავლის დაწყებითი განათლების სპეციალისტი.ა. ს. ჟალაძე. დაახლოებით მსგავსი მდგომარეობაა სხვა სკოლებშიც. ჩანს, რაიონის განათლების განყოფილებას დიდი მუშაობა მოუწევს ამ დიდი ნაკლოვანების აღმოსაფხვრელად.

ზოგადსაგანმანათლებლო სკოლების მუშაობის წარმატების ძირითადი განმსაზღვრელი ფაქტორია სასწავლო პროცესის სწორად წარმართვა, იმაზე თუ როგორ არის დაყენებული ცალკეულო სასწავლო დისციპლინის სწავლება, ბევრადაა დამოკიდებული სკოლის საერთო საქმიანობის წარმატება.

მოსწავლეთა პიროვნების ფორმირების საქმეში დიდ როლს ასრულებს დაწყებითი სწავლება, რადგან აქ ყველაზე უფრო მკიდროდ ერწყმის ერთმანეთს სწავლება და აღზრდა. საჩხერის რაიონის სკოლებში დაწყებითი კლასების მასწავლებელთა გარკვეული ნაწილი დამაკმაყოფილებლად უძღვება საქმეს, არ აქვს ჩამორჩენა პროგრამული მასალის გავლაში. ისინი, წერითი სამუშაოების შესრულებისას, იცავენ დადგენილ ნორმებსა და სახეებს, გასაგებად დაჰყავთ მოსწავლეებამდე ახსნილი მასალა, დროულად სწორდება წერითი ნამუშევრები. მოსწავლეთა კალიგრაფია დამაკმაყოფილებელია.

მათემატიკის გაკვეთილებზე ყურადღება ეთმობა შეგნებული და მტკიცე გამოთვლითი ჩვევების ფორმირებას, პირდაპირ და შებრუნე-

ბულ მოქმედებათა, აგრეთვე კომპონენტებსა და მოქმედების შედეგებს შორის ურთიერთკავშირის გამოვლინებას.

საერთოდ, რაიონის დაწყებითი კლასების მოსწავლეებს და მამაკაცთა დასწავლის დასაწყისი ეტაპები უკავშირდება.

დადებით მხარეებთან ერთად მოსწავლეებელთა მუშაობაში შეიმჩნევა ხარვეზებიც, რაც უთუოდ ამუხრუჭებს სასწავლო-სააღმზრდელო მუშაობის მაღალ დონეზე წარმართვას. გაკვეთილების პროცესში ნაკლებად ან სულ არ არის გამოყენებულს თვალსაჩინოება, მოსწავლეთა თვითნაკეთი მასალა და ტექნიკური საშუალებანი; სუსტად წარმოებს სალექსიკონო მუშაობა, გამომეტყველებითი კითხვის ტექნიკაზე ვარჯიში, ტექსტზე მუშაობა. მოსწავლეებს არ ეძლევათ მათემატიკაში დამოუკიდებელი სამუშაო; სუსტად ტარდება ზეპირი ანგარიში, არ ექცევა ყურადღება მათემატიკური ტერმინებისა და სიმბოლიკის ზოგიერთი ელემენტის (პლუს, მინუს, მეტი, ტოლი, ნაკლები) შეგნეულად შეთვისებას.

კარგად მუშაობს სახიზრის I საშუალო სკოლის I-ა კლასის მოსწავლენელი თამარ აბაშიძე. მისი გაკვეთილები ქართულ ენასა და მათემატიკაში გამოირჩევა მაღალი დონით, იგი მოხერხებულად, უხვად იყენებს თვალსაჩინოებას, აქტიურია კლასი. მოსწავლეთა ცოდნა შეგნეული და სყარია. მოწონებას იმსახურებს და განზოგადების ღიოსია მის მიერ დამზადებული თვალსაჩინო და დიდაქტიკური მასალა.

დამაკმაყოფილებლად ატარებენ გაკვეთილებს მათა ტყემალაძე, ქართულ ენაში, III კლ; ქეთევან გოგატიშვილი, რუსული ენა—II კლასი (ორივე საიზრის საშ. სკოლა); ტასო ბერიძე—ქართული ენა, III კლასი; ნაზი კიბაროიძე—მათემატიკა, I კლასი; ლილი. გოშაძე—მათემატიკა, III კლასი; ნუცა კიბაროიძე—რუსული ენა, III კლ; ყველა არგვეთის საშუალო სკოლა); ლილი ქაძლაძე—ქართული ენა, II კლასი; ეთერ ქავთარაძე—რუსული ენა, III კლ; ნუცა შეყაკიძე—ბუნებისმცოდნეობა, III კლასი, რაისა კვიციანიძე—ქართული ენა, I კლასი (სახიზრის I საშუალო სკოლა); თინა ზაბახიძე—ქართული ენა, II კლასი, მედიკო გოშაძე—მათემატიკა, III კლასი (ყველა სხვიტორის საშ. სკოლა).

სუსტად ჩატარა მათემატიკის გაკვეთილი II კლასში მიხეილ დვალმა (საიზრის საშუალო სკოლა). იგი ვერ ფლობს საგნის სწავლების მეთოდოკას და გადაცემის ხერხებს, არ იცის საგანი. მაგ.: არ აკეთებს ამოცანის მოკლე ჩანაწერს; ორი ამოცანა შეცდომით იქნა



გამოყვანილი, თუმცა მასწავლებელმა მისი ამოხსნა სწორად მიიჩნია
 მაგ.: 1-ში 5-ით ნაკლებია II-ზე, —1—37, გვევითხებიან ორივე მხლი
 ამოხსნა ასე: 1) 37—5—32; 2) 32+37—69 შეკრება უნდა ყრტილს


ყო პირველ კითხვაშიც. ან კიდევ მეორე ამოცანა: 8 ორკაპიკიანი და
 2 სამკაპიკიანი. სულ რამდენი კაპიკია? შესრულება 16—6—10; საში-
 ნაო დავალებად კლასს მიეცა ამოცანის შედგენა ფორმულის მიხედ-
 ვით, რის შესახებ საკლასო მუშაობის დროს ერთი სიტყვაც არ ყო-
 ფილა ხსენებულა. მასწავლებელმა მიზანს ვერ მიაღწია.

დაბალ დონეზე დგას სასწავლო-სააღმზრდელო მუშაობა მერ-
 ჯევის დაწყებით (გამგე ტარასი სადუნიშვილი) სკოლაში. არადამაკ-
 მაყოფილებლად წარმართა ქართული ენის გაკვეთილი აღნიშ-
 ნული სკოლის მასწავლებელმა თინა კაპანაძემ მოსამზადებელ კლა-
 სში, მოსწავლეთა მომზადების დონე დაბალია, უჭირთ კით-
 ხვა; მასწავლებელი არ იყენებს დიდაქტიკურ თამაშობებს, მუშაობაში
 არ ჩააბა კლასი; ყურადღება არ ექცევა მოსწავლეთა მიერ სანიტა-
 რულ-ჰიგიენური წესების დაცვას; მააწ. ვალენტინა წერეთელი (რუ-
 სული ენა, II კლასი) ვერ ფლობს რუსულ ენას, ზებირ მეტყველებაში
 უშვებს ორთოგრაფიულ და სტილისტურ შეცდომებს. მაგ.: „Сколь-
 ко буква (в) слова? Яша что отвечает? Что сказал нина?
 და სხვა. არ იყენებს თვალსაჩინოებას, ტაბულეს; არა აქვს მოძრავ
 ანბანზე მუშაობისათვის საჭირო ჩანთა, არ იცნობს დაწყებით კლა-
 სებში რუსული ენის სწავლების მეთოდებს, სუსტა მოსწავლეთა მომ-
 ზადების დონე.

ტარას სადუნიშვილმა, სკოლის გამგე-მასწავლებელმა, მათემატი-
 კაში მოსწავლეთა ცოდნის შეუმოწმებლად დაიწყო ახალი მასალის
 ახსნა. მთელი გაკვეთილი ისე გავიდა, რომ მოსწავლეები არ ჩაუბამს
 მუშაობაში. ახსნილი მასალა ვადატვირთული იყო თავისი მოცულო-
 ბით, მოსწავლეებმა ახალი გაკვეთილი ვერ გაიგეს. საშინაო დავალებ-
 ბად კლასს მიეცა სულ სხვა სახის სავარჯიშო და არა „ახსნილი“ მა-
 სალის მსგავსი რამ. მასწავლებელმა მიზანს ვერ მიაღწია. იგი აუცი-
 ლებლად საჭიროებს მეთოდურ დახელოვნებას.

დასასრულ, უნდა აღინიშნოს, რომ შესწავლილი სკოლების პედ-
 საბჭოს სამუშაო გეგმებში არც ერთი საკითხი არ არის შეტანილი
 დაწყებით კლასებში ცალკეულ საკანთა სწავლებასა ან სასწავლო-სა-
 აღმზრდელო მუშაობის მდგომარეობის შემოწმების შესახებ (ხშირ
 შემთხვევაში არც გასული სასწავლო წლის გეგმებშია შეტანილი ზე-
 მოხსენებელი საკითხები).

14241





დამაკმაყოფილებლად ასწავლიან მშ.აბლიურ ენსა და ლიტერატურას ქ. ჯაფარიძე (არგვეთის საშ. სკოლა), მ. ჭავჭავაძე (ქიტაძე (ჩიხის საშ. სკოლა). ისინი დამაკმაყოფილებლად ფლობენ საგანს, მისი სწავლების ხერხებსა და მეთოდებს. აღნიშნული მასწავლებლები საგაკვეთილო მასალას მოხდენილად უკავშირებენ თანამედროვეობას, ყოველ შესაძლო შემთხვევაში იყენებენ მას მოსწავლეთა იდეურ-ზნეობრივი აღზოდისათვის. ამ მასწავლებლების მუშაობის საერთო ნაკლად უნდა ჩაითვალოს ის გარემოება, რომ გაკვეთილებზე არ იყენებენ სასწავლო თვალსაჩინოებასა და ტექნიკურ საშუალებებს, საკმაოდ არ ზრუნავენ მოსწავლეებში გამომეტყველებითი კითხვის უნარ-ჩვევათა განვითარებისათვის.

ცუდად ასწავლიან მშობლიურ ენასა და ლიტერატურას ლ. კიკნაველიძე (სხვიტორის საშ. სკოლა), ს. კუბაშვილი (მახათაურის მწლ. სკოლა), ო. ჭელიძე, ვ. მიქაძე (საირხის საშ. სკოლა), პ. ყიფშიძე (არგვეთის საშ. სკოლა).

ლ. კიკნაველიძეს შემოწმების დღისათვის გაკვეთილი არ ჰქონია, მაგრამ მის მიერ გასწორებული წერითი ნამუშევრების გადახედვამ დაგვარწმუნა, რომ იგი სრულებით ვერ ფლობს მართლწერის წესებს, რის გამო ნაწერებს ასწორებს ძალზე უხარისხოდ. ყურადღების გარეშე რჩება უამრავი შეცდომა, ისეთებიც კი, რომელთა შემჩნევა არასპეციალისტისათვისაც არ არის ძნელი.

ს. კუბაშვილი ხანდახმული მასწავლებელია. მას პედაგოგიური მუშაობის უხარმაზარი გამოცდილება აქვს, მაგრამ ოდნავაც არ ეტყობა შესაბამისი პედაგოგიური ოსტატობა.

გარდა იმისა, რომ მეთოდოცურე თვალსაზრისით სრულიად უსუსური იყო მის მიერ მეხუთე კლასში ჩატარებული გაკვეთილი, იგი სავსე იყო უხეში მეცნიერული შეცდომებითაც. უფრო მეტი, არც მოსწავლეებმა და არც მასწავლებელმა არ იციან გრამატიკის ისეთი წესი, როგორიცაა გვარისა და სახელის ბრუნება ერთად. მასწავლებელმა ისიც არ იცის, რომ აღამიანთა საკუთარი სახელები ბრუნებისას არ იკუმშება. დაფასთან გამოძახებულმა ერთ-ერთმა მოსწავლემ სახელისა და გვარის—ვანტანგ ამაშუკელის ბრუნებისას შეკუმშა „ამაშუკელი“ („ვანტანგ ამაშუკლის“, „ვანტანგ ამაშუკლით“, „ვანტანგ ამაშუკლად“) ეს კი ჩვეულებრივ მოსაუბრეს არ ებატიება, არამცთუ მასწავლებელს,



ასეთი მუშაობის შედეგია, რომ მოსწავლეები საგნის სრულ ნარობას ამტკიცებენ, ამასთან, წერენ და კითხულობენ ძალზე

რ. ჭელიძეს X კლასში დავალებად მიცემული ჰქონდა თქიფანძის „თავსაფრიანი დედაკაცი“ და „რაინდები“. კლასმა ვერ გამოამტკიცა განვლილი მასალის დამაკმაყოფილებელი ცოდნა: თვით მასწავლებელი კი ძალზე სკოდავდა მეცნიერული და მეთოდოლოგიური თვალსაზრისით. მაგალითად, მან ერთიდაიგივე ისტორიულ პიროვნებად მიიჩნია აკაკი წერეთლის „გამზრდელსა“ და ნ. ლორთქიფანძის „რაინდებში“ გამოყვანილი ინალიფა (რის საფუძველზე?).

ახალი მასალის ახსნისას მასწავლებელს არავითარი თვალსაჩინოება არ გამოუყენებია. მან ისე გააცნო კლასს შ. დადიანის ბიოგრაფია, რომ მწერლის შემოქმედებით გზაზე სიტყვაც არ დაუძრავს.

კლასი ძალზე ჩამორჩენილია, სუსტად იცის განვლილი მასალა. უხეში შეცდომებით წარმართა ლიტერატურის გაკვეთილი ამავე სკოლის მეოთხე კლასში (მასწ. ვ. მიქაძე).

განვლილი მასალის (ვაჟას „ჩიკვა ქორწილი“) გამოკითხვისას მოსწავლეებმა სუსტი ცოდნა გამოავლინეს. გამოძახებული მოსწავლეები მეტყველებდნენ მონოტონურად, ყოველგვარი პაუზისა და მახვილის გარეშე. ამავე დროს მათი მეტყველება არ იყო დაზღვეული ბარბაროზმებისაგან (ერთ-ერთმა მოსწავლემ თხრობისას წარმოთქვა: „წრუწუნა გადახტა სტოლიდან და ცეკვა დაიწყო“).

მასწავლებელმა ვერ მოახერხა ძველიდან ახალ მასალაზე გადასვლა. გარდა ამისა, ახსნის პროცესში, თვითონ უშვებდა შეცდომებს: „ალ. ყაზბეგმა გადაწყვიტა ხალხს ვაცნობოდა. ამ მიმართებით გადაწყვიტა ცხვარში წასულიყო“. მასწ. ვ. მიქაძეს უჭირს ერთმანეთისაგან გაარჩიოს ქართული სიტყვები ბარბაროზმებისაგან. მან ასეთი „განმარტება“ მისცა მოსწავლეებს: „ფარა ჯოგსაც ჰქვია და ფულსაც“, „სერი (серий) ნიშნავს ნაცრისფერს, სერი ნიშნავს გორაკს, მაშასადამე ეს სიტყვები ერთმანეთის სინონიმებია“ (!).

მასწ. ვ. მიქაძემ ვერც გაკვეთილის დრო გაანაწილა საჭიროებისამებრ, რის გამო არც ტექსტზე უმუშავნია და არც ახალი მასალა განუმტკიცებია, ხოლო მოსწავლეებს ასეთი განკარგულება მისცა: „ამოწერეთ დიალექტები“.

ვ. მიქაძის მოსწავლეები ვერც წერით მეტყველების კულტურას ამტკიცებენ: წერენ უღამაზოდ, უჭირთ წინადადების გამართვა, ვერ იცავენ მართლწერის წესებს.

სევე დაბალ მეცნიერულ და პრაქტიკულ დონეზე ^{ატარებენ} გაკვეთილებს მშობლიურ ენასა და ლიტერატურაში მასწავლებლებში პ. ყიფშიძე, ქ. ჯაფარიძე და გ. ტოგონიძე (არგვეთის საშ. სკოლა) ექვთ

მასწ. პ. ყიფშიძემ არ იცის მხატვრული ნაწარმოების ტექსტზე მუშაობა. იგი, ახალი მასალის ახსნისას, მხოლოდ იმით კმაყოფილდება, რომ იწყებს ტექსტის კითხვას და შემდეგ რომელიმე მოსწავლეს აგრძელებინებს; ლიტერატურულ მასალას სრულად არ იყენებს მოსწავლეთა ზნეობრივი აღზრდისათვის. მის მიერ ჩატარებული გაკვეთილი ორგანიზაციული თვალსაზრისითაც მოკოკლებდა—განვილიო მასალის გამოკითხვას მოანდომა 10 წუთი, ახალი მასალის ახსნას ანუ ლიტერატურული ტექსტის კითხვას—35 წუთი.

მასწ. ვ. ტოგონიძემ გაკვეთილის მსვლელობისას დაუშვა ფაქტობრივი შეცდომები. მისი განცხადებით: „დღეს, სვანეთის მადლიან მიწაზე ტრაქტორები და კომბაინები გუგუნებენ“, „როგორც პროფესიონალი მწერალი, იგი (ლაბარაკია მინიელ ჯავახიშვილზე) 1923 წლიდან ჩამოყალიბდა, ამ დროიდან დაიწყო პატარ-პატარა მოთხრობების წერა“. სინამდვილეში მ. ჯავახიშვილის შემოქმედება 1903 წლიდან დაიწყო, მას შემდეგ, რაც გამოაქვეყნა მოთხრობა „ჩანჩურა“.

მასწ. გ. ტოგონიძე მეტყველებს უხეში ენობრივ-ლოგიკური და შინაარსობრივი შეცდომებით („ამ დროს სპილენძის ქარხანას, რომელსაც დაუფლებული ჰყავდა უცხოელი კაპიტალისტები...“).

„აი, პოეტის ის ამბულელებელი ფაქტი, რომელიც მას გაპარვისას შეემთხვა“. „მის. ჯავახიშვილი მალეაწივობდა მაშინ, როცა საქართველოს მუშები და გლეხობა ტიტველი მკერდით შეეგება შეფის რუსეთის რუსიფიკატორულ რეჟიმს“...

როგორც ჩანს, საჭირო იქნება, სკოლების ხელმძღვანელებმა, განათლების განყოფილებამ და მეთოდკაბანეტმა სათანადო დასკვნები გააკეთონ აღნიშნულ მდგომარეობასთან დაკავშირებით.

საჩხერის რაიონში შეიმჩნევა რუსული ენისა და ლიტერატურის კვალიფიციური მასწავლებლების უკმარობა. შემოწმებული 18 მასწავლებლიდან მხოლოდ 5-ს აქვს უმაღლესი განათლება. მასწავლებელთა დიდი ნაწილი ვერ ფლობს რუსულ ენას, რის შედეგად არ ძალუძს გაკვეთილების თანამედროვე მოთხოვნათა დონეზე წარმართვა.

კარგად არიან დაუფლებული სავანსა და მისი სწავლების მეთოდების მასწავლებლები რ. ლონლაძე (საჩხერის I საშ. სკოლა), ნ. ბუგაევა (არგვეთის საშ. სკოლა), ლ. კოვალოვა (ჩიხის საშ. სკოლა),

ეთ. ნოზაძე (მახათაურის 8-წლიანი სკოლა). საჩხერის პირველ საშუალო სკოლაში მოწყობილია რუსული ენისა და ლიტერატურის მეტი, სადაც ნახავთ რუსი მწერლების პორტრეტებს, მათი ბისა და შემოქმედების ამსახველ ალბომებს, თვალსაჩინო მასალას, გრამატიკულ ტაბულებს, სურათებს ზეპირი მეტყველების განვითარების მიზნით. კაბინეტში არის აგრეთვე ფირსაკრავი, შეძენილი აქვთ უამრავი ფირფიტა, დიაფილმი, ფილმოსკოპი და სხვ. მასწავლებელი რ. ღონდაძე წარმატებით იყენებს ამ მასალას და მისი მოსწავლეები დიდი მონდომებით ეუფლებიან რუსულ ენას.

სამწუხაროდ, ამას ვერ ვიტყვით ბევრ სხვა მასწავლებელზე. რიგი მასწავლებლებსა ცუდად ფლობს რუსულ ენას, ყურადღების გარეშე რჩება მოსწავლეთა მეტყველებაში დაშვებული შეცდომები, ძალიან დაბალია მათი მოსწავლეების ცოდნის დონე. მეტყველებაში უბემ შეცდომებს უშვებს მასწავლებელი სერგო ნადირაძე (საირხის საშ. სკოლა) მაგ.: „Девочка мыл посуду“, „Что нас было задано“, „Что мы учились Пушкина в прошлом году?“ „Из руставский сталь делают тысячу предметов“.

მასწავლებელი ივანე საგანელიძე (არგვეთის საშ. სკოლა) დამხინჯებულად უხსნის მოსწავლეებს უკუქცევით ზმნებს (возвратные глаголы), მან მოსწავლეებს წესი არასწორად ჩააწერინა: „Возвратный глагол называется такое действие, когда действие производится на том же предмете, который совершает его“— ეს ფაქტი მეტყველებს იმაზე, რომ მასწავლებელმა არ იცის ის, რა-ხაც ასწავლის, ამავე დროს არ ეშვადება გაკვეთილისათვის—ეს წესი შესანიშნავად არის განმარტებული წიგნში და მისი ჩაწერა რვეულე-ბში არ იყო საჭირო (ისიც შეცდომით). გარდა ამისა, მასწავლებელი საგანელიძე საკლასო ეურნალში წერს უამრავ „2“ და „1“. მაგ.: 26/IX VII-ა კლასის ეურნალში წერია ათი „2“, ერთი „1“ და, ამავე დროს, ახსნა ახალი მასალა „Лошадь Казбича“. 22/X-დან 4/XI-მდე VIII კლასის ეურნალში 12 „ცუდი“ ნიშანი წერია და არც ერთი „დადებითი“. მასწავლებელი საგანელიძე არ არის გარკვეული რუსული ენის სწავლების მეთოდოლოგიაში, არღვევს კომპინირებული გაკვეთილის პრინციპს: ერთსა და იმავე დღეს VII კლასში ხსნის წასაკითხ მასალასაც და გრამატიკასაც, რაც ყოველად დაუშვებელია.

მასწავლებელი მელიტონ გელაშვილი (მახათაურის 8-წლიანი სკოლა) ასე მეტყველებს: „Кто был особенно близко детские годы Александра Сергеевича Пушкину? Как он его называет

стихотворении „Няне“? Лермонтов тоже был великий поэт, ему тоже пришлось погибать на дуэли. „Куда его сослали за этой стихотворение?“ მასწავლებელმა გელაშვილმა მასწავლებელმა „მ. ლერმონტოვის ბიოგრაფია“, მასალის გამტკიცების მიზნით დაუსვა კლასს 17 კითხვა და თვითონვე პასუხობდა, მოსწავლეები კი მხოლოდ მსმენელებად დარჩნენ.

ამავე, მახათაურის 8-წლიან სკოლაში დაწყებით კლასებში რუსულ ენას ასწავლის გალინა ტინტილოზოვა, ისიც უშვებს უხეშ შეცდომებს, სიტყვებს გამოთქვამს არასწორად.

ჩემ მიერ მოსმენილ ჩქნა აგრეთვე ნ. მეგრელიშვილის, ტ. ქანთარიას (საჩხერე), თ. კობროძის (არგვეთი), ეთ. ქავთარაძის, რ. მურადოვას (საჩხერე, 1-ლი საშ. სკოლა), ა. ხაქალიას, ი. იაკობაშვილის (ჩიხა), ეთ. ნოზაძის, სერგო ზაბახიძის (სხვიტორე) გაკვეთილები. ყველა ამ მასწავლებელს აქვს მუშაობაში გარკვეული ნაკლი: გაკვეთილებზე არ იყენებენ თვალსაჩინოებას, აქტიურ შემოქმედებით საქმიანობაში არ აბამენ თითოეულ მოსწავლეს, ვულგოდინედ და ბეჯითად არ აწარმოებენ ლექსიკურ მუშაობას, სრულებით არ იხედებიან მოსწავლეთა რვეულებში, მოსწავლეები კი წერენ ძალიან ცოტას და ცუდად, დაბალია სწავლების ეფექტიანობის დონე, არასწორად ტარდება შეცდომებზე მუშაობა, მათი გასწორება. ხშირად მასწავლებლები გაკვეთილზე საუბრობენ ქართულად, არასისტემატურად ტარდება საუბრები ზეპირი მეტყველების განვითარების მიზნით. IV—VII კლასებში დარღვეულია კომბინირებული გაკვეთილის პრინციპი. მოისუსტებს სკოლების დირექციის კონტროლი ამ საგნის მასწავლებლები-სადმი, დირექტორებს და მათ მოადგილეებს სასწავლო-აღმზრდელობითი მუშაობის დარგში მოსმენილი აქვთ მხოლოდ 4—5 გაკვეთილი. მათი შენიშვნები გაკვეთილის ირგვლივ ძალზე ზერელე და ფორმალური ხასიათისაა.

საჩხერის რაიონის საშუალო და 8-წლიან სკოლებში უცხოური ენის სწავლებისათვის არასახარბიელო ბაზაა შექმნილი. შემოწმებული სკოლებიდან მხოლოდ არგვეთის საშუალო სკოლაში აქვთ გერმანული ენის კაბინეტი და ისიც, ძალიან ღარიბი. კაბინეტებში, ძირითადად, თვითნაკეთი თვალსაჩინოებაა. გრამატიკულ ტაბულებში უხეში შეცდომებია გაპარული. არასწორი კალიგრაფითაა დაწერილი ასოები და სხვ.

საჩხერის მე-2 საშუალო სკოლაში ინგლისურ ენას ასწავლის მ. თულაშვი, რომელსაც 1953 წ. დაუმთავრებია ქ. თბილისის უცხოურ

ენათა პედაგოგიური ინსტიტუტი, აქვს 20 წ. პედ. მუშაობის სტაჟი
მასწავლებელი დამაკმაყოფილებლად ფლობს ინგლისურ ენას, მაგრამ
გაკვეთილებს ძირითადად ქართულ ენაზე ატარებს, მოსწავლეებს
არაიან მიჩვეულნი მასწავლებლის მიერ უცხოურ ენაზე საუბარს, არ
ესმით მის მიერ დასმული კითხვები, რის გამო იგი იძულებულია
თარგმნოს ეს კითხვები ქართულ ენაზე. მასწავლებელი, გაკვეთილის
მსვლელობისას, არ იყენებს თვალსაჩინოებას და სწავლების ტექნიკურ
საშუალებებს, იფარგლება ძველი კითხვისა და თარგმანის მეთოდით,
კლასში 15 მოსწავლიდან მხოლოდ სამმა იცოდა ცოტა რამ, დანარ-
ჩენმა 12-მა წაკითხვაც კი ვერ შეძლო. ანალოგიური მდგომარეობაა
მე-9 კლასშიც: მოსწავლეებმა მე-5 კლასის გრამატიკული მასალაც კი
არ იციან. მასწავლებელი არ ასწორებს საშინაო დავალებისა და სა-
ლექსიკონო რვეულებს, რის შედეგადაც მოსწავლეთა მომზადების დონე
დაბალია.

საჩხერის მე-3 საშუალო სკოლაში გერმანული ენა ისწავლება
და მას ორი მასწავლებელი ასწავლის.

ნათელა ღონღაძეს დამთავრებული აქვს თბილისის სახ. უნივერ-
სიტეტი 1974 წელს, გააჩნია 1* წლის მუშაობის სტაჟი.

ანა ხვედელიძეს დამთავრებული აქვს ქ. თბილისის უცხოურ
ენათა პედ. ინსტიტუტი 1954 წელს—6 წლის პედ. მუშაობის სტაჟი.

ნ. ღონღაძე დამწყები მასწავლებელია. იგი ენას დამაკმაყოფი-
ლებლად ფლობს. გაკვეთილს, ძირითადად, უცხოურ ენაზე ატარებს,
მაგრამ, ვინაიდან გაკვეთილზე არ იყენებს თვალსაჩინოებასა და სწავ-
ლების ტექნიკურ საშუალებებს, ვერ ფლობს სწავლების მეთოდებს,
14 მოსწავლიდან მხოლოდ ორმა-სამმა თუ იცის ცოტა რამ.

ა. ხვედელიძე უმაღლესი განათლებითაა, მაგრამ არ მუშაობს
თავისი თეორიული და მეთოდური დონის ასამაღლებლად, რის გამოც,
უცხოურ ენაზე მეტყველებისას, უშვებს შეცდომებს. ისეთი მარტივი
მიმართვებიც კი, როგორც არის: წაკითხე. ადექი, მიდი დაფასთან,
მოსწავლეებს ა* ესმით, ვინაიდან მასწავლებელი გაკვეთილს ძირითა-
დად მშობლიურ ენაზე ატარებს. გარდა ამისა, ა. ხვედელიძე არ იყე-
ნებს თვალსაჩინოებას, რაც მას თარგმანის დროს დახმარებას გაუწევ-
და გაკვეთილზე.

არც ერთი მასწავლებელი (ნ. ღონღაძე, ა. ხვედელიანი) არ ას-
წორებს საშინაო დავალებასა და სალექსიკონო რვეულებს. ასეთი მუ-
შაობის შედეგად დაბალია მოსწავლეთა მომზადების დონე.

სოფელ მერჯევის საშუალო სკოლაში გერმანულ ენას ასწავლის

დამწყები მასწავლებელი ე. იაკობიძე, რომელსაც დამთავრებული აქვს უცხოურ ენათა პედაგოგიური ინსტიტუტი 1972 წ. (3 წ. პედ. მეცნიერების სტაჟი). მასწავლებელმა დამაკმაყოფილებლად იცის უნარი არადამაკმაყოფილებლად გამოთქვამს ე. წ. „უმლაუტიან“ ნაწარმებს, რითაც მახინჯდება გერმანული გამოთქმა. მასწავლებელი გაკვეთილზე იყენებს თვალსაჩინოებას, მაგრამ ნაკლებ ყურადღებას უთმობს მოსწავლეთა გამოთქმას, ლექსიკურ მუშაობას და განვლილი ლექსიკური მასალის განმტკიცებას, იგი ყველა მოსწავლესთან ერთნაირი მონღომებით არ მუშაობს, ამიტომ კლასში არ არის თანაბარი ცოდნის დონე. VI კლასის მოსწავლეებში ჯერ კიდევ არ არის გამომუშავებული სწორი წარმოთქმის ჩვევა. ასევე არადამაკმაყოფილებელი გამოთქმა აქვთ VII კლასის მოსწავლეებს. ახალი სიტყვები არ მტკიცდება უკვე შესწავლილ სიტყვებთან კონტაქტში. მათ მოსწავლეები განყენებულად სწავლობენ, რის გამოც მასწავლებელი ვერ აღწევს მიზანს—ამეტყველოს მოსწავლეები უცხოურ ენაზე. ასევე არადამაკმაყოფილებლად მუშაობს მასწავლებელი კითხვის ტექნიკის განსავითარებლად, რის შედეგადაც 20 მოსწავლიდან 13-მა კითხვა არ იცის. მიუხედავად ამისა, თუ მასწავლებელი იმუშავებს თავისი თეორიული და მეთოდური დონის ასამაღლებლად, მისგან ყარგი მასწავლებელი დადგება.

არგვეთის საშუალო სკოლაში გერმანულ ენას სამი მასწავლებელი ასწავლის: ვასილ კიპაროიძე, დამთავრებული აქვს უცხოურ ენათა ინსტიტუტი 1953 წ. (22 წ. პედ. მუშაობის სტაჟი), ვალენტინა სიჭინავა, დამთავრებული აქვს სოხუმის პედ. ინსტიტუტი 1955 წ. (19 წ. პედ. მუშაობის სტაჟი), გრიგოლ ჯოხაძე, დამთავრებული აქვს უცხოურ ენათა ინსტიტუტი 1966 წ. (9 წ. პედ. მუშაობის სტაჟი).

ვ. კიპაროიძე (იგი სკოლის დირექტორია) ენას ცუდად ფლობს. ის V—VI კლასებში ასწავლის, ვერ მუშაობს გერმანული ენის ფონეტიკაზე, ვერ აძლევს მოსწავლეებს სწორი ზეპირი და წერილი მეთყველების ჩვევებს, რის გამოც შემდეგ კლასებში მასწავლებლებს უჭირთ ამ ნაკლოვანებათა გამოსწორება, რომელიც მასწავლებელმა ვ. კიპაროიძემ დანერგა V—VI კლასებში. მიუხედავად იმისა, რომ მასწავლებელი გაკვეთილის გერმანული ენის კაბინეტში ატარებს, არ იყენებს თვალსაჩინოებას, სწავლების ახალ მეთოდებსა და ხერხებს და ჯერ კიდევ ძველი მეთოდებით ასწავლის, რის შედეგადაც მოსწავლეთა მომზადების დონე დაბალია.

ვ. კიპაროიძე არ ასწორებს საშინაო დავალებისა და სალექსიკონო რვეულებს.

მასწავლებლები ვ. სიჭინავა და გრ. ჯოხაძე ენას დამაკმაყოფილებლად ფლობენ, მაგრამ მათი მოსწავლეთა მომზადების დონე IX, X კლასებში არაა დამაკმაყოფილებელია. IX კლასში არგვეთილი სკოლაში მოსწავლეები სოფელ იტავაზის 8-წლიანი სკოლიდან მოდიან, სადაც არასპეციალისტი ასწავლის... მოსწავლეებს გერმანულ ენაში ელემენტარული ცოდნაც კი არ აქვთ. რა თქმა უნდა, ისიცი ვერ დაძლევენ IX—X კლასის პროგრამას. მასწავლებლებს მათი უცოდინარობა მძიმე მდგომარეობაში აყენებს და გამოსავალი ვერ უპოვიათ.

მასწავლებელი ვ. სიჭინავა VII კლასში, რომელსაც ის V კლასიდან ასწავლის, არ იყენებს სწავლების ახალ მეთოდებს, კითხვითა და თარგმანის მეთოდით იფარგლება, გაკვეთილზე მხოლოდ რამოდენიმე მოსწავლესთან მუშაობს და კლასში 10 მოსწავლემ არაფერი არ იცის. მასწავლებელს არა აქვს გააზრებული გაკვეთილი, გაკვეთილზე ის ფანტავს მოსწავლეთა ყურადღებას სხვადასხვა თემის შეთავაზებით. მაგ. ის მოყვა ეპიზოდებს ერნსტ ტლმანის ცხოვრებიდან, მას ეს სრულებით არ სჭირდებოდა გაკვეთილზე. მოიგონა განსაზღვრული და განუსაზღვრელი არტიკლები, შემდეგ ისევ დაიწყო კითხვების დასმა ტექსტის გარშემო და სხვა. ასეთი ქაოტური გაკვეთილით მასწავლებელმა მიზანს ვერ მიაღწია და ამოდ დაშვრა. აღსანიშნავია, რომ თვით მასწავლებელმა კარგად იცის გერმანული ენის გრამატიკა და კარგად ასწავლის, რამაც სათანადო შედეგი გამოიღო. მოსწავლეები გააზრებულ ცოდნას ამტკიცებენ. აქედან დასკვნა—რაც მასწავლებელმა კარგად ასწავლა, მოსწავლეებმა იცოდნენ. ეს მასწავლებლებიც (ვ. სიჭინავა, გრ. ჯოხაძე) უყურადღებოდ ტოვებენ მოსწავლეთა საშინაო დავალებისა და სალექსიკონო რვეულებს. მეთოდურად არასწორი მუშაობის შედეგია მათი მოსწავლეების მომზადების დაბალი დონე.

სოფ. იტავაზის 8-წლიან სკოლაში გერმანულ ენას 15 წელია არასპეციალისტი მ. დეკანოძე ასწავლის. ის ენას არაა დამაკმაყოფილებლად ფლობს, არ იცის კითხვის წესები, ვერ ერკვევა გრამატიკის ელემენტარულ წესებში, მეტყველებისას უშვებს უხეშ შეცდომებს. ასეთმა ვითარებამ განაპირობა მოსწავლეთა ცოდნის დაბალი დონე. მ. დეკანოძე მახათაურის 8-წლიან სკოლაში წლების მანძილზე ასწავლიდა გერმანულ ენას, იმ დროს, როდესაც ამ სოფლის მკვიდრ მ. წიკლაურს დამთავრებული აქვს უცხოური ენების პედაგოგიური ინსტიტუტი და მხოლოდ წელს დანიშნეს გერმანული ენის მასწავლებ-

ლად. უფრო მეტი, იტავაზის მ-წლიან სკოლაში ამჟამად მუშაობს გერმანული ენის სპეციალისტი და იგი რუსულ ენასა და ლიტერატურას ასწავლის, ვინაიდან არასპეციალისტ პენსიონერ ვ. დეკანოზიძეს სურს დაანებოს თავი მუშაობას და განაგრძობს გერმანული ენის ამგვარ „სწავლებას“. განათლების ადგილობრივ ორგანოებს დღემდე ვერ მოუწერებიათ, არასპეციალისტები, რომელნიც ესოდენ დიდ ზიანს აყენებენ სწავლებას საქმეს, შეცვალონ უმაღლესდამთავრებული სპეციალისტებით, რომლებიც წლების მანძილზე უმუშევრები არიან ან სხვა საგანს ასწავლიან.

ისტორია, საზოგადოებათმცოდნეობა და საბჭოთა სახელმწიფოსა და სამართლის საფუძვლები საჩხერის რაიონის სკოლებში ძირითადად დამაკმაყოფილებლად ისწავლება. ამ საგნების სწავლების საქმეში გარკვეული წარმატებები აქვთ მ. ენუქიძეს, რ. დეკანოიძეს, ი. ცუხიშვილს, ავ. დეკანოიძეს (მერჯევის საშ. სკოლა), შ. მაჭარაშვილს, რ. გელბახიანს (საჩხერის 1-ლი საშ. სკოლა), რ. ხოხაძეს (სავანის მ-წლიანი სკოლა). ისინი კარგად იცნობენ საგანსა და მისი სწავლების მეთოდებსა და ხერხებს, რომელთა გამოყენებითაც გაკვეთილებზე აღწევენ სათანადო აქტიურობას. მაგრამ, მათ მუშაობაში შეიმჩნევა არსებითი ხასიათის ნაკლოვანებებიც: აღნიშნული მასწავლებლები გაკვეთილებზე არ იყენებენ თვალსაჩინოებასა და სწავლების ტექნიკურ საშუალებებს, სასწავლო პროცესს წარმართავენ ძველი ტრადიციული მეთოდით, არ იგრძნობა ახლის, პროგრესულის ძიების სურვილი და სხვ. ჩამოთვლილ ნაკლოვანებათა დაძლევის შემთხვევაში მათ მიერ ჩატარებულ გაკვეთილებს უფრო მეტი ეფექტი და სასარგებლო შედეგი ექნებოდა.

სერიოზული ნაკლოვანებები გააჩნია მუშაობაში არგვეთის საშუალო სკოლის ისტორიის მასწ. გ. ქავთარაძეს.

მასწავლებელმა გაკვეთილი „ჩაატარა“ ისტორიის კაბინეტში, რომელშიც მხოლოდ რამდენიმე რუკა და კარადაა, სადაც ინახება თვალსაჩინოება. გაკვეთილის თემა იყო „დიდი სამამულო ომში საბჭოთა კავშირის გამარჯვების წყაროები და მისი ისტორიული მნიშვნელობა“. გამოკითხულ იქნა მხოლოდ ერთი მოსწავლე, რომელმაც სუსტად იცოდა განვლილი მასალა და თხრობის დროს დაუშვა ფაქტობრივი შეცდომები. მასწავლებელმა ეს შეცდომები უყურადღებოდ დატოვა.

ასევე გამოჩნა მას ფრონტალურს გამოკითხვისას დაშვებული შეცდომები. მასწავლებელმა გ. ქავთარაძემ ყოველგვარი გადასვლის

გარეშე დაიწყო ახალი მასალის ახსნა („საბჭოთა კავშირის საგარეო პოლიტიკა მეორე მსოფლიო ომის შემდეგ“). მართალია, მასწავლებელმა გაამდიდრა თხრობა შემუარული ლიტერატურიდან მღებნილი ციტატებით, მაგრამ გამოჩნა ეთქვა, როგორ შეიქმნა მშვიდობის მსოფლიო საბჭო და უბრალოდ ახსნა, რომ ხელი მოაწერეს სტოკჰოლმის მოწოდებას. მასწავლებელმა კარგად ვერ გაანაწილა გაკვეთილის ორი მომენტი—ახალი მასალის განმტკიცება და გამოკითხულ მოსწავლეთა ცოდნის შეფასება მოხდა ზარის დარეკვის შემდეგ. მასწ. გ. ჭავთარაძეს ესაჭიროება, სერიოზულად იზრუნოს პედაგოგიური ხელოვნების დაუფლებაზე.

დამაკმაყოფილებლად ასწავლიან გეოგრაფიას ე. ჯაფარიძე (საჩხერის № 2 საშუალო სკოლა), მ. დეკანოძე (საჩხერის № 1 საშუალო სკოლა), მ. კოსტავა (საირხის საშუალო სკოლა) და ე. კაბანაძე (არგვეთის საშუალო სკოლა).

აღნიშნული მასწავლებლები განსაკუთრებულ ყურადღებას უთმობენ მოსწავლეთა შემეცნების აქტიურობის საკითხს. გაკვეთილის ახსნის პროცესში იყენებენ სხვადასხვა ხერხებსა და მეთოდებს, ამდიდრებენ მასალას დამხმარე ლიტერატურიდან. გაკვეთილზე ჩანს აღმზრდელიობითი მუშაობა (ბუნების დაცვის საკითხები, ინტერნაციონალური და პატრიოტული აღზრდა), განსაკუთრებით გამოირჩევა საჩხერის № 2 საშუალო სკოლის მასწავლებელი ე. ჯაფარიძე, რომელიც გაკვეთილზე მოხერხებულად იყენებს ტექნიკურ საშუალებებსა და სამხარეთმცოდნეო მასალას. გაკვეთილის თემას უკავშირებს თანამედროებას.

დაბალ დონეზე იქნა ჩატარებული გაკვეთილები საჩხერის № 3 (მასწავლებელი მ. ბერულავა), № 1 (ე. ღონღაძე), მერჯვეის (ე. სხირტლაძე) საშუალო და მახათაურის რვაწლიან (მ. მეგრელიშვილი) სკოლებში.

აღნიშნული მასწავლებლები ნაკლებ ყურადღებას უთმობენ მოსწავლეთა აქტივიზაციის საკითხს, სუსტად იყენებენ თვალსაჩინოებას, გაკვეთილზე, ძირითადად, ჩანს მხოლოდ მასწავლებლის აქტიურობა. დაბალია გაკვეთილის მეთოდური დონე. ნაკლებად იყენებენ სახელმძღვანელოში მოცემულ სქემებს, სურათებს, ტაბულებს. მოსწავლეებს არ აქვთ კონტურული რუკები და ატლასები.

მასწ. მ. ბერულავა (საჩხერის № 3 საშ. სკოლა, უმაღლესი განათლებით, პედსტაჟი 18 წელი) VIII კლასში იყენებს სსრკ პოლიტიკურ რუკას დაწყებით კლასებისათვის. არ აქვს გამოყენებული სპეცი-

ალური რუკა, წიგნში მოცემული ტაბულები და ციფრობრივი მასალა. ბევრი დრო მოანდომა გაკვეთილის გამოკითხვას. როგორც კონსტანტინის შემოწმებისას, ასევე ახალი მასალის ახსნისას კლასიურად გაკვეთილს ატარებს მხოლოდ თბრობის მეთოდით.

მასწ. ე. ლონლაძემ (სახერის № 1 საშ. სკოლა, უმაღლესი განათლებით, პედსტაჟი 4 წელი) ძველი მასალის გამოკითხვას მოანდომა 30 წუთი მაშინ, როდესაც საჭირო იყო ფრონტალური გამოკითხვის ჩატარება და მეტი დრო მოენდომებინა ისეთი საკითხების შესწავლისათვის, როგორც არის პოლუსები, ეკვატორი, პარალელები და მერიდიანები. რუკის შესწავლა დაიწყო წინა გაკვეთილზე მოსწავლეებმა უშვებდნენ შეცდომებს, რაც მასწავლებელს შეუმჩნეველ რჩებოდა. ნაკლებ ყურადღებას უთმობს პრობლემურ საკითხებს და, საერთოდ, კლასის აქტიურობას.

მასწავლებელი თეორიულად მომზადებულია. საჭიროა მეტი იმუშაოს თავის თავზე, გულმოდგინედ მოემზადოს ყველა გაკვეთილისათვის, აიმაღლოს მეთოდური დონე.

მასწავლებელ ვ. სხირტლაძეს (მერჯვეის საშ. სკოლა, უმაღლესი განათლებით, პედსტაჟი 30 წ.) თეორიული მომზადების დონე დამაკმაყოფილებელია. მან კარგად დაუკავშირა IV კლასის ახალი მასალა კოსმოსის ათვისებას ჩვენი კოსმონავტების მიერ, გაკვეთილზე ჩატარა ცდა. გაკვეთილის ყველა მომენტი იყო დაცული. მიუხედავად ამისა, აღინიშნება ნაკლოვანებები: მის მიერ დასმული კითხვები არ მოითხოვენ მოსწავლისაგან დასკვნების გამოტანას, არ თხოვენ მოსწავლეებს ერთი ობიექტის მეორესთან შეფარდებას. სამუშაო რვეულებში ძირითადად გადმოტანილია ნახატები წიგნიდან. მუშაობს კლასის ნაწილთან. ბოლო მერხებზე მჯდომი ბავშვებმა რჩება ყურადღების გარეშე.

მასწავლებელ ჯ. ქავთარაძის (სავანის 8-წლიანი სკოლის დირექტორის მოადგილე სასწავლო-აღმზრდელობით დარგში, უმაღლესი განათლებით, პედსტაჟი 5 წელი) მოსწავლეთა მომზადების დონე დამაკმაყოფილებელია, რაც ჩანს გაკვეთილის პირველი ნაწილიდან. გაკვეთილი არ იყო სრულად აღჭურვილი (სსრკ ფიზიკური და პოლიტიკური რუკა).

მასწავლებელი არ მუშაობს კონტურულ რუკაზე. მოსწავლეები სწავლის პერიოდში არ იყენებენ ატლასებს. სამუშაო რვეულებში დიაგრამები არ არის სწორად შედგენილი, რასაც მასწავლებელმა უნდა მიაქციოს ყურადღება.

ახალი მასალის ახსნისას ვ. ქავთარაძემ მიმართა თხრობის ტოლს. არ გამოიყენა სახელმძღვანელოში მოცემული სქემა სოფლის მეურნეობის დარგების დადგენისას. სუსტი იყო კავშირი მრეწველობისა და სოფლის მეურნეობის დარგებს შორის. არ იყო დატანილი თანმიმდევრობა. მასწავლებელი საჭიროებს მეთოდური ღონის ამალღებას.

მასწავლებელი მ. მეგრელიშვილი (მახათაურის რეაწლიანი სკოლა, უმაღლესი განათლებით, პედსტაჟი 33 წ.) მოსწავლეთა ცოდნის შემოწმებისას კლასის წინაშე სვამს კითხვებს, რომლებიც მოითხოვენ ზერელე პასუხებს (მაგ. „მიჩვენე შდინარე, მოხაზე ზღვები“ და სხვ.).

ბევრი დრო დაიკარგა ცოდნის შემოწმებისას, რის გამოც მასწავლებელი დროში ვერ ჩაეცია.

თეორიულად მასწავლებელი მომზადებულია, საჭიროებს მეთოდური ღონის ამალღებას. მან მეტი ყურადღება უნდა მიაქციოს მოსწავლეთა აქტივიზაციას.

აღნიშნულ სკოლებში არ არის გამოყენებული კონტურული რუკები, ატლასები. არ იწერება პრაქტიკული უნარ-ჩვევები.

სახერის რაიონის სკოლებში მათემატიკის სწავლების მდგომარეობის შემოწმების შედეგად გამოვლინდა, რომ აღნიშნულ საგანს ძირითადად დამაკმაყოფილებლად ასწავლიან არგვეთის საშუალო სკოლის მასწავლებლები შ. მეცხვარიშვილი, ვ. ტაბატაძე და თ. კვატაია.

მასწავლებელმა შ. მეცხვარიშვილმა კარგად ჩაატარა მათემატიკის გაკვეთილი V კლასში. მან მოკლე დროში, მაგრამ ყურადღებით და საფუძვლიანად შეამოწმა საშინაო დავალება, მოსწავლეებს მისცა საჭირო მითითებანი და კლასი ჩააბა ვამრავლების განრიგადობის კანონით გამოსახულებათა გამარტივების მაგალითებზე ვარჯიშში. თითქმის ყველა მოსწავლე აქტიურად მონაწილეობდა მაგალითების გამოყვანისა და მასწავლებლის მიერ დასმულ კითხვებზე პასუხის გაცემისას. სახელმძღვანელოს № 282, 283 სავარჯიშოთა გადაწყვეტისას გამოვლინდა, რომ კლასმა, ძირითადად, დამაკმაყოფილებლად იცის მიმდინარე და გავლილი მასალა, მასწავლებელმა ყურადღება მიაქცია და ადვილი დაუთმო მოსწავლეთა დამოუკიდებელი მუშაობის მომენტს, რისთვისაც მას დიდაქტიკური მასალებიდან მომზადებული აქვს სათანადო ბარათები და იყენებს საჭიროების შემთხვევაში. კარგი იყო აგრეთვე ამავე სკოლის მასწავლებელ ვ. ტაბატაძის

მიერ IX კლასში ჩატარებულ ალგებრა და ელემენტარულ ფუნქციების გაკვეთილი: კლასს ღრმად და საფუძვლიანად აქვს გაგებულო, მიმდინარე მასალა—მეორე ხარისხის უტოლობათა ამოხსნა, მათემატიკური და გრაფიკული ხერხები. მოსწავლეებმა დამაკმაყოფილებლად იციან გავლილი საპროგრამო მასალა. დამაჯერებელია მასწავლებლის საუბარი, ზომიერი, ტაქტიანია მისი მიდგომა მოსწავლეებისადმი.

შემოწმებული სკოლების მათემატიკის მასწავლებელთა ერთი ნაწილი მონდომებთ არ მუშაობს, პასუხისმგებლობით არ ეკიდება დაკისრებულ მოვალეობას, ამიტომ დაბალ დონეზე დგას მათ მიერ გადაცემული გაკვეთილები, არასაკმაოა მათი მოსწავლეთა მომზადების დონე.

კუდად მუშაობენ მათემატიკის მასწავლებლები: ლ. წიგნაძე, თ. დუღუნისვილი (საირხის საშუალო სკოლა), ვ. ქველიძე (საჩხერის I საშუალო სკოლა), ც. ცუხიშვილი, კ. მარგველაშვილი, ნ. ჯოჯუა (ჩიხის საშუალო სკოლა).

საჩხერის I საშუალო სკოლის მათემატიკის მასწავლებელ ვ. ქველიძეს დამთავრებული აქვს გორის პედ. ინსტიტუტი, აქვს პედაგოგოგიური მუშაობის 5 წლის სტაჟი, 1972 წელს გაიარა გადასამზადებელი კურსები ქ. ქუთაისში, საერთოდ არ ჩანს, რომ საგანი არ იცის, მაგრამ ფაქტი ის იყო, რომ შემოწმების დღეს მოუშზადებელი მოვიდა გაკვეთილებზე, ამიტომაც დაბალ დონეზე იდგა მის მიერ VII კლასში გადაცემული ალგებრის გაკვეთილი. ახალი მასალის—„რიცხვის სტანდარტული სახე“—ახსნისა და მასზე მუშაობის დროს მოსწავლეთა მიერ დაშვებული შეცდომები არ გასწორდა, სამწუხაროდ, თვითონაც დაუშვა რამდენიმე უხეში შეცდომა.

გაკვეთილისათვის მოუშზადებელი მოვიდა საირხის საშუალო სკოლის მათემატიკის მასწავლებელი ლ. წიგნაძე, მან X კლასში გეომეტრიის გაკვეთილი ყოველგვარი ორგანიზაციის გარეშე წარმართა, მის მიერ „ჩატარებული“ გაკვეთილი არ შეესატყვებოდა გეგმას, რომელიც მას ფორმალურად ჰქონდა შედგენილი, არ დაიცვა გაკვეთილის ძირითადი მომენტები, საშინაო-დავალების შემოწმებას დიდი დრო მოანდომა. იმის გამო, რომ თვითონ ვერ აგნებს ზოგიერთ გამოსახულებათა გარდაქმნების რაციონალურ გზებს, დაფა და მოსწავლეთა რვეულები ზედმეტი და ზოგჯერ უაზრო ჩანაწერებით ივსება, მაგალითად გეომეტრიული ამოცანის ამოხსნის პროცესში მიღებული

$$M_1 K = \sqrt{\frac{p^2 - (V/a - V/q)^2 (a + V/q)^2}{4V/a + V/q}}$$



ეროვნული
აკადემია

გამარტივებისათვის მოსწავლეები, მოსწავლეობის მითითებით, კვებ ჯერ კვადრატში ახარისხებას ახდენენ, ახარისხების დროსაც შეცდომებს უშვებენ, შემდეგ უჭირთ დაშვებული შეცდომების ბოგნა და გასწორება, გაკვეთილის ძირითადი დრო ამ უსარგებლო გარდაქმნებში უნაყოფოდ იფლანგება. გაკვეთილის დამთავრებამდე რამოდენე წუთით ადრე მოსწავლეებელი იწყებს ამოცანის ამოხსნას, სავარჯიშო ურებულებიდან არასწორად კითხულობს ამოცანის ტექსტს. მოსწავლეებელს მიაჩნია, რომ წესიერ წაკვეთილ პირამიდაში შესაძლებელია გვერდითი წიბო ფუძის სიბრტყის პერპენდიკულარული იყოს, ამით მცდარ გზაზე დამდგარი მოსწავლეებელი უხეშ შეცდომებს უშვებს, კლასს და დაფასთან გამოძახებულ მოსწავლეს არასწორ მითითებებს აძლევს. ცხადია, ამოცანის ამოხსნის გაგრძელება შეუძლებელი გახდა, გაკვეთილი ჩაშლამდე მივიდა. მოსწავლეებელი მდგომარეობიდან მხოლოდ ზარის ხმამ გამოიყვანა, გაკვეთილის პროცესში გამოვლინდა, რომ მოსწავლეებმა სუსტად იციან გავლილი საპროგრამო მასალა.

დაბალ დონეზე იღვა აგრეთვე ამავე სკოლის მათემატიკის მოსწავლეებელ თ. ლულუნიშვილის მიერ VI კლასში ჩატარებული გეომეტრიის გაკვეთილი. თ. ლულუნიშვილს დამთავრებული აქვს პუშკინის სახელობის თბილისის პედ. ინსტიტუტი, აქვს 34 წლის მუშაობის სტაჟი, ვადამზადებაც ვაიარა 1973 წელს ქუთაისში. როგორც ჩანს, იგი არ იყო ცუდი მოსწავლეებელი, მაგრამ ახალ პროგრამებით სწავლება უჭირს. სერიოზული და უხეში შეცდომები დაუშვა მან გაკვეთილზე, მას არასწორად აქვს გაგებული ფიგურათა კონგრუენტულობის ცნება, ერთმანეთში ურევს ტოლობასა და კონგრუენტულობას, მოსწავლეებს მიმართავს: „ეხლა, შენ, ამიგე მოცემული სამკუთხედის ტოლი სამკუთხედი, ტოლი და კონგრუენტული ხომ ერთიდაიგივეა“. ცხადია, მოსწავლეებმაც დამახინჯებულად იციან გავლილი საპროგრამო საკითხები. VI კლასის გეომეტრიის სახელმძღვანელოდან მე-14 პუნქტის № 6 და № 8 სავარჯიშოებზე მუშაობისას მოსწავლეებმა დიდი უცოდინარობა გამოამჟღავნეს, მონაკვეთების სიგრძეთა ტოლობას მონაკვეთებს კონგრუენტულობისაგან ვერ არჩევენ, არ აქვთ ათვისებული სიმძლავრეთა თეორიის ენა გეომეტრიაში იმ ფარგლებში, რაც მათ მოეთხოვებათ, არ იციან მანძილის თვისებები წრფეზე, არ ესმით ცნების „X წერტილი A და B წერტილებს შორის მდებარეობს“ გამოსახულების



აზრი, ამიტომაც გაუგებარია მათთვის, თუ რას გამოსახავს ტოლობა „ $AB = (AX) + (XB)$ “ და სხვ.

დაბალ დონეზე დგას მათემატიკის სწავლება ჩიხის სკოლაში. ძალზე უფერული, პედაგოგიურად და მეთოდურად გაუმართავი იყო კ. მარგველაშვილის მიერ IX კლასში ჩატარებული ალგებრის გაკვეთილი. მასწავლებელი საშინაო დავალების შესრულების შემოწმებას ფორმალურად და ზრელედ ახდენს, ახალი მასალის—კვადრატული განტოლების კერძო სახეები (როცა b კოეფიციენტი უწყია) ახსნისას მასწავლებელს სათანადო სავარჯიშო წინასწარ არ ჰქონდა შერჩეული, სახელდახელოდ აიღო განტოლება $5x^2 - 16x + 4 = 0$, რომლის დისკრიმინანტი 44-ის ტოლია, ფესვის ამოღებისათვის დასჭირდათ ცხრილების გამოყენება, ცხრილი მხოლოდ ერთ მოსწავლეს აღმოაჩინდა და, იმის მაგივრად, რომ კლასისათვის ეჩვენებინა

$$x = \frac{-k \pm \sqrt{k^2 - ac}}{a}$$

ფორმულის გამოყენების უპირატესობა,

კლასი, პირიქით, გაუგებრობაში ჩაავდო. მოსწავლეებმა არადამაკმაყოფილებელი ცოდნა გამოავლინეს გველილი მასალის ირგვლივ, მიუხედავად იმისა, რომ საკითხებზე: კვადრატული განტოლებანი, მისი კერძო სახეები, კვადრატული სამწევრი VIII კლასშია გველილი, IX კლასში მათი გაღრმავება და უფრო დეტალური შესწავლა ხდება, მოსწავლეებმა მინც ვერ უპასუხეს ამ საკითხების ირგვლივ დასმულ კითხვებს, ვერ შეძლეს $ax^2 + b + c$ სამწევრიდან სრული კვადრატის გამოყოფა, ვერ ხედავენ განსხვავებას ორი რიცხვის სრულ კვადრატსა და არასრულ კვადრატს შორის, არ იციან არითმეტიკული ფესვის განსაზღვრა და სხვ.

ამავე სკოლის V კლასში, შემოწმების დღეს, მასწავლებელ ც. ცუხეშვილს თვითონ ჰქონდა დაგეგმილი მათემატიკაში საკონტროლო წერის ჩატარება. წერისათვის მასალა აღებული ჰქონდა ამ კლასისათვის განკუთვნილ დიდაქტიკურ სახელმძღვანელოში მოცემული საკონტროლო წერის ვარიანტებიდან, ჩვენი თანდასწრებით, ყოველგვარი ჩარევის გარეშე, ჩატარდა საკონტროლო წერა. შედეგი ძალზე ცუდი აღმოჩნდა. წერით მუშაობაში მონაწილეობა მიიღო 28 მოსწავლემ, რომელთაგან მხოლოდ ერთმა მიიღო დამაკმაყოფილებელი შეფასება, დანარჩენმა 27-მა შეფასება „2“ დაიმსახურა, მათ შორის არის ოთხი ისეთი მოსწავლე, რომელთაც მათემატიკაში მეოთხედური ოთხეტი უწერიათ. (ნამუშევრები გასწორდა და შეფასდა თვით მასწავლებლის მიერ). აღნიშნული ფაქტი კომენტარს აღარ საჭირო-

ებს და მასწავლებლის არადამაკმაყოფილებელ მუშაობაზე მეტყვე-
ლებს. არასასურველი შედეგები გამოვლინდა აგრეთვე ამავე ~~სკოლის~~
X კლასში (მასწავლებელი ე. თურმანიძე) ალგებრასა და ~~ელემენტარულ~~
რულ ფუნქციებში ჩვენ მიერ ჩატარებულ საკონტროლო წერაში: 21
მოსწავლიდან მხოლოდ ერთმა მიიღო „4“. ოთხმა „3“, დანარჩენმა—
16-მა მოსწავლემ შეფასება „2“ დაიმსახურა.

შემოწმებული სკოლების რიგ კლასებში ცუდად არის დაყენე-
ბული მოსწავლეთა სკოლასო და საშინაო დავალების რვეულების წარ-
მოების საქმე, ნამუშევრებს არ აქვს დაწერილი თარიღი, შესრულე-
ბულია უსუფთაოდ, ხშირ შემთხვევაში შავალითები და ამოცანები
ჩაწერილია და არ არის ამოხსნილი, ან დაწყებულია ამოხსნა და არ
არის დამთავრებული, ნამუშევრები არ არის მასწავლებელთა მიერ
შემოწმებული, არსად არ შეინიშნება მასწავლებლის მიერ მოსწავლე-
ებისადმი რაიმე მითითების მიცემა. აღნიშნულ მდგომარეობას ადგილი
აქვს ჩიხის საშუალო სკოლის IX კლასში (მასწავლებელი კ. მარგვე-
ლაშვილი), საირხის საშუალო სკოლის V, IX, X კლასებში (მასწავ-
ლებლები: დ. შუკაიძე, ლ. ცარციძე, ლ. წიგნაძე) და სხვ.

შემოწმების შედეგად ირკვევა, რომ სათანადო სიმძლავრე არ
დგას საკონტროლო წერების ჩატარების საქმე მათემატიკაში. დარ-
ღვეულია წერის ნორმები, ხშირ შემთხვევაში თემატიკა სწორად არ
არის შერჩეული და ვერ უბასუხებს მოთხოვნას. ნამუშევრები არ
სწორდება გულდასმით და პასუხისმგებლობით. შავალითად: ჩიხის სა-
შუალო სკოლის IX—X კლასებში (მასწავლებლები: კ. მარგველაშვი-
ლი, ც. ცუხიშვილი) ნამუშევრები უხარისხოა, მასწავლებელთა მიერ
გულდასმით არ არის შემოწმებული და ბევრი შეცდომა შეუნიშნა-
ვად და გაუსწორებლად არის დატოვებული, რის გამოც შეფასება
ლობერალურია და ფაქტიურ მდგომარეობას არ შეესაბამება. ამავე
სკოლის V კლასში (მასწავლებელი ნ. ჯოჯუა) ძალზე უხარის-
ხოა მათემატიკის საკონტროლო წერიტი ნამუშევრები: ჩატარებული
9 საკონტროლო წერიდან თითქმის ყველას შედეგი ცუდია და მოს-
წავლეთა ძალზე დაბალ მომზედებაზე მეტყველებს. შეინიშნება, რომ
მოსწავლეთა საკმაო ნაწილს ყველა წერაზე ორი აქვს მიღებული, მმ-
დინარე აღრიცხვის შედეგად დაბალი შეფასებანი აქვთ მიღებული,
მეთთხედური შეფასებით კი დამაკმაყოფილებელი ნიშანი აქვთ
გამოყვანილი. საკონტროლო წერების საქმეში ანალოგიური
მდგომარეობა შეინიშნება საირხის საშუალო სკოლის V, VII, X კლა-
სებში (მასწავლებლები ლ. ცარციძე, თ. დულუნიშვილი, ლ. წიგნაძე)

მოსწავლეთა საკლასო, დამოუკიდებელი და საკონტროლო წერილების ნორმალურად წარმოების უზრუნველსაყოფად შემოწმებული სკოლებიდან არცერთს (გარდა არგვეთის საშუალო სკოლის ზოგადი განათლების სისა) არ აქვს დიდაქტიკური მასალებიდან შესაბამისი ვარიანტების სპეციალურად მომზადებული ბარათები, რაც ძალზე აფერხებს მუშაობას. სკოლებს არ გააჩნიათ აგრეთვე მათემატიკის სწავლებისათვის საჭირო მატერიალური ბაზა: არ აქვთ თვალსაჩინო ხელსაწყო-იარაღები, პლაკატები, სქემები და არავითარი ტექნიკური საშუალებანი, ზოგან სათანადო ყურადღება არ ექცევა მოსწავლეთა მიერ თვითნაკეთ ხელსაწყოთა დამზადებასა და სწავლებაში გამოყენების საქმეს. მხოლოდ საჩხერის I საშუალო სკოლაში (მასწ. ა. მღებროვი) მოსწავლეთა მიერ დამზადებულია გეომეტრიული სხეულების მოდელური და გეომეტრიული ამოცანების ამოხსნასთან დაკავშირებული ზოგიერთი კვეთისა და აგების შესრულების სადემონსტრაციო მარტივი ხელსაწყოები. მათემატიკის კაბინეტებისათვის ცალკე საკლასო ოთახებია გამოყოფილი, მაგრამ კაბინეტები ჯერ კიდევ არ არის შექმნილი და სათანადოდ მოწყობილი.

შემოწმებულ სკოლებში ჯერ კიდევ არ დგას სათანადო სიმაღლეზე მათემატიკის სწავლების საქმისადმი ხელმძღვანელობა და კონტროლი, დირექტორებსა და სასწავლო-სააღმზრდელო მუშაობის დარგში დირექტორის მოადგილეებისაგან არასაკმაო რაოდენობით არის მოსმენილი მათემატიკის გაკვეთილები. არ არის პედაგოგიურ საბჭოს სხდომებზე ცალკე საკითხად განხილული მათემატიკის სწავლების მდგომარეობის საკითხი და, საერთოდ, პედაგოგის მიმდინარე სასწავლო წლის I ნახევრის სამუშაო გეგმებიც არ ითვალისწინებს აღნიშნული საკითხის განხილვას. ბევრგან, გაკვეთილების ცხრილის შედგენის დროს, სათანადოდ არაა გათვალისწინებული მათემატიკის გაკვეთილებისათვის შესაფერისი ადგილის შერჩევის საკითხი.

საჩხერის რაიონის ზოგადსაგანმანათლებლო საშუალო სკოლებში ფიზიკას ასწავლიან სათანადო ცენზისა და გამოცდილების მქონე მასწავლებლები. მათი მუშაობის ერთ-ერთი ძირითადი ნაკლია ის, რომ გაკვეთილებზე არ იყენებენ კვლევის მეთოდს, მუშაობას ძირითადად საუბრის მეთოდით წარმართავენ, რაც ერთგვარად ართმევს მოსწავლეებს გაკვეთილის პროცესში აქტიურად მონაწილეობის უნარს. გარდა ამისა, კალენდარული გეგმების უქონლობის გამო, ჩამორჩებიან პროგრამას.

დამაკმაყოფილებლად ატარებენ გაკვეთილებს მ. ჯანსიანი (ჩიხის საშ. სკოლა), ვ. მაჭარაშვილი (სხეიტორის საშ. სკოლა), ხარაძე (არგვეთის საშ. სკოლა). მათ კარგად წარმართეს ვალენტის შემოწმების პროცესი, მოხდენილად, კარგად მოფიქრებული კითხვებს მეშვეობით შეამოწმეს კლასის საერთო მომზადება და ობიექტურად შეაფასეს მოსწავლეთა ცოდნა.

აღნიშნული მასწავლებლები, ახალი მასალის გადაცემისას, ეფექტურად იყენებენ, სასწავლო თვალსაჩინოებასა და სწავლების ტექნიკურ საშუალებებს. მაგალითად, ქ. სამხარაძემ X კლასში ებიდი-ასკობის მეშვეობით აჩვენა ნახაზები და სქემები ელექტრომაგნიტურ ტალღებზე, ხოლო სხეიტორის საშ. სკოლის მასწავლებელმა ო. ლომიძემ კარგად გამოიყენა თვალსაჩინოება ზედაპირულ დაკვირვებასა და კაბილარობაზე.

არსებითი ხასიათის ნაკლოვანებანი გააჩნიათ ფიზიკის სწავლებაში მერჯვეის საშუალო სკოლის მასწ. პ. გრძელიშვილს, არგვეთის საშ. სკოლის მასწ. პ. ტაბატაძეს, ჩიხის საშ. სკოლის მასწ. ვ. ენუქიძეს, მახათურის მ-წლიანი სკოლის მასწ. ნ. გულიტაშვილს, იტავაზის მ-წლიანი სკოლის მასწ. ნ. ტეფნაძეს, რომელთაც გაკვეთილი მიჰყავთ საკუთარი აქტიურობის ხარჯზე, მოსწავლეები კი პასიურ მსმენელებად რჩებიან.

აღნიშნული მასწავლებლები სრულყოფილად ვერ ამოწმებენ მოსწავლეთა მიერ განვლილი მასალის ცოდნას, უგულვებელყოფენ წერით საშინაო დავალებას, ვერ იცავენ გაკვეთილის ძირითად მომენტებს, რის გამო, ზშირად, ზარის დარეკვის შემდეგ უხდებოთ ახალი მასალის განმარტება და საშინაო დავალების მიცემა.

ფიზიკის, როგორც სასწავლო დისციპლინის, წარმატება სკოლაში მნიშვნელოვანწილად არის დამოკიდებული სასწავლო კაბინეტის გამართულობაზე, გაკვეთილისათვის მის მზადყოფნაზე. ამ მხრივ შედარებით კარგი მდგომარეობაა არგვეთისა და სავანის სკოლებში, სადაც ლაბორატორიული და სადემონსტრაციო ხელსაწყოებით მოწყობილი, სათანადო ფართობის მქონე კაბინეტებია. ცუდი მდგომარეობაა მახათურის მ-წლიან და სხეიტორის საშუალო სკოლებში, სადაც კაბინეტები მოთავსებულია ვიწრო და ბნელ ოთახებში, ხოლო მათი ტექნიკური აღჭურვილობა საშუალებას არ იძლევა გაკვეთილი მაღალმეცნიერულ და მეთოდურ დონეზე წარმართოს. მსგავსი მდგომარეობაა იტავაზის საშუალო სკოლაში, სადაც ფიზიკის, ქიმიისა და ბიოლოგიის „კაბინეტები“ ერთ ოთახშია მოთავსებული, აღნიშნულ

კაბინეტებში სადემონსტრაციო ცდების მხოლოდ 10—20% -ის შედეგად შეიძლება.



რაიონის სკოლების ფიზიკის მასწავლებლები ნაკლებად მსწავლებლობენ სასწავლო ფილმებით. მხოლოდ მერჯვეის სწავლავ სკოლას აქვს ფილმოტეკიდან გატანილი 2 სასწავლო კინოფირი. როგორც წესი, ვერცერთი სკოლა ვერ ღებულობს სასწავლო ტელეგადაცემებს. არცერთ სკოლას არ აქვს დამონტაჟებული ელექტროგამანაწილებელი ფარი და სხვ. აღნიშნული ვარემოება გვაფიქრებინებს, რომ რაიონის ზოგადსაგანმანათლებლო სკოლებში, საერთოდ, ნაკლები ყურადღება ექცევა ფიზიკის სწავლების საქმის სათანადო სიმაღლეზე დაყენებას.

დამაკმაყოფილებლად ისწავლება ბიოლოგია არგვეთისა (მასწავლებელი ქ. ვახანია) და სხვიტორის (მასწავლებელი თ. გრძელიშვილი) საშუალო სკოლებში. მაგ.: არგვეთის საშუალო სკოლის VIII-ა კლასის მოსწავლეთა უმრავლესობა სწორად ასახელებს ორგანოებსა და ორგანოთა სისტემებს, იცის ქსოვილის განსაზღვრა, სისტლის შედგენილობა და მისი მნიშვნელობა, ხოლო VI-ა კლასის მოსწავლეები შინაარსიანად გადმოსცემენ გაკვეთილს — „ბაქტერიები, მათი აგებულება, გამრავლება და გავრცელება“. სხვიტორის საშუალო სკოლის VI კლასის მოსწავლეების ერთმა ნაწილმა იცის ბიოლოგიის ცნების განსაზღვრა, ყვეალოვან მცენარეთა კლასიფიკაცია, რთულყვავილოვანთა ოჯახის კულტურული და ველური სახეობანი. ამასთან, იცნობენ სოფლის მეურნეობის აღმავლობის ღონისძიებებსა და რაიონის საწარმოო მაჩვენებლებს. აღნიშნულის მიუხედავად, მასწავლებლებს ქ. ვახანიას და თ. გრძელიშვილს შეუძლიათ უკეთესად ასწავლონ ბიოლოგიის სასკოლო კურსი.

არადაკმაყოფილებლად ისწავლება ბიოლოგია მახათაურის (მასწავლებელი ს. აბუთიძე) რვაწლიან სკოლაში. დასახელებული სკოლის VIII კლასის მოსწავლეთა უმრავლესობას წარმოდგენა არ აქვს ორგანიზმის შინაგან ვარემოზე, მის შედგენილობასა და ქსოვილურ სითხეზე. VII² კლასის მოსწავლეები ვერ ასახელებენ უმარტივესი ცხოველების, ღრუბლების, ნაწლავდრუიანების, ბრტყელი და მრგვალი და რგოლოვანი ჭიების ტიბებს, არ იციან ფეხსახსრიანი ცხოველების სისტემატიკური ერთეულები. ამავ კლასში უფერულად, კიბხვა-პასუხით ჩატარდა გაკვეთილი თემაზე „რიფი—ორფრთიანები ანუ ბუზები“ მასწავლებელმა ახალი გაკვეთილი „ფეხსახსრიანთა ტიბის საერთო დახასიათება“ მეტად უინტერესოდ, 10 წუთ

ში ახსნა. როგორც მის მიერ ჩიტარებული გაკვეთილების შედეგად ბიოგამოირკვა, მასწავლებელი ს. აბუთიძე არ ემზადება გაკვეთილს სათვის, არ იყენებს თვალსაჩინოებას, არ ატარებს ცდებს და მართალი რატორიული ხასიათის სამუშაოებს, უყურადღებოდ ტოვებს სალექსიკონო მასალაზე მუშაობას, არ აკონტროლებს საშინაო რვეულების წარმოებას, ლიბერალურად აფასებს მოსწავლეთა ცოდნას.

დაბალ დონეზე ჩატარდა ბიოლოგიის გაკვეთილები საირხის (მასწავლებელი კ. შამანიძე) საშუალო სკოლაში, იქ VIII-ა და VIII-ბ კლასების მოსწავლეების უმრავლესობამ გავლილი მასალის არაღამაკმაყოფილებელი ცოდნა გამოავლინა—მოსწავლეებს ბუნდოვანი წარმოდგენა აქვთ ორგანიზმზე, ორგანოებსა და ორგანოთა სისტემაზე, არ იციან, რისგან შედგება ორგანიზმი და ქსოვილები, რა წარმოადგენს ორგანიზმის ძირითად სისტემატიკურ ერთეულს. ბიოლოგიაში სუსტი ცოდნა გამოავლინეს აგრეთვე ჩიხის (მასწავლებელი ნ. მარგველაშვილი) საშუალო სკოლის VI-ა და VII-ბ კლასის მოსწავლეებმა. შემოწმებული სკოლებიდან, დადგენილი ნორმის მიხედვით, სასწავლო-საცდელი ნაკვეთები არ აქვს არგვეთისა და სხვიტორის საშუალო სკოლებს. შემოწმებული სკოლების ნაკვეთები დაუგვეშავი, შეუღობავი და მოუვლელია, მათზე მოწყობილი არ არის სასათბურე მეურნეობები და ბიოლოგიის განყოფილებები, ნაკვეთზე არ ტარდება არაერთი საცდელი და პრაქტიკული მუშაობა. სკოლებში სათვის ცნობილი არ არის მითითებანი სასწავლო-საცდელი ნაკვეთისა და ნორმ ნატურალისტთა წრეების მუშაობის შესახებ.

საირხის, სხვიტორისა და ჩიხის საშუალო და მახათაურის რვაწლიან სკოლებს ცალკე არ აქვთ ბიოლოგიის კაბინეტი, 1972—1973-სასწავლო წლიდან სკოლებს ბიოლოგიის კაბინეტების მოსაწყობად ბიოტექნის არაფერი შეუძენიათ, ამასთან, ადგილობრივი საშუალებებით არ დაუმზადებიათ თვითნაკეთი ხელსაწყო-იარაღები, არ შეუგროვებიათ საჭირო სასწავლო მასალა.

არასწორად არის განაწილებული ზოგადი ბიოლოგიის გაკვეთილები ჩიხის საშუალო სკოლაში, სადაც ამ საგნის 6 გაკვეთილი ორ მასწავლებელზე ნაწილდება (IX¹ და IX² კლასებში 2 გაკვეთილი მიცემული აქვს მასწავლებელ ნ. მარგველაშვილს, ხოლო X¹ და X² კლასების 4 გაკვეთილი—მასწავლებელ ელენე მაჭავარიანს).

სხვიტორის საშუალო სკოლაში შრამითი სწავლების გაკვეთილები მიცემული აქვს არასპეციალური განათლების მქონე ფიზიკულტურისა და დაწყებითი სამხედრო მომზადების მასწავლებლებს.



მოსწავლეთა ფიზიკურ აღზრდას საჩხერის რაიონის სკოლებში ნაკლები ყურადღება ექცევა. იგი, ზოგიერთი სკოლის მდებარეობის უკონტროლოდობისა და ფიზაღზრდის მასწავლებლების სისმკვეჭლობის წყალობით, თვითდინებაზეა მიშვებული.

რაიონის ბევრ სკოლაში სრულიად მოუვლელია ფიზკულტურულ-სპორტული ბაზები, ურომლისდაც სპორტული ღონისძიებების გამართვა ყოველად წარმოუდგენელია.

საჩხერის 1-ლი საშუალო სკოლის ეზოში ცუდ მდგომარეობაშია 100 მეტრზე სარბენი ბილიკი და სახტოში ორმო, ზამთარში მეცადინეობის ჩასატარებლად გამოყოფილია მცირე ზომის (16×6) სპორტული დარბაზი, რომელიც მოუვლელია, წესრიგში არ არის მოყვანილი გასახდელები, იატაკი ბეტონისაა, ხოლო სანიტარული კვანძები გაუქმებულია.

მერჯვეის საშუალო სკოლასაც მცირე ზომის მოუწყობელი სპორტული დარბაზი გააჩნია, ეზოში სპორტულ სექტორებზე ბალახია ამოსული, რაც იმაზე მეტყველებს, რომ ამ ბაზებზე არავითარი მუშაობა არ წარმოებს.

ანალოგიურ მდგომარეობაშია საირხისა და სხვიტორის საშუალო სკოლების, მახათაურის 8-წლიანი სკოლის სპორტული ბაზები. აქ, სკოლის ფიზიკური აღზრდის მასწავლებლების უპასუხისმგებლობისა და დირექციის უზრუნველობის გამო, ყოველად აუტანელი პირობებია შექმნილი.

მათთან შედარებით უკეთესად გამოიყურება არგვეთის საშუალო სკოლის ბაზა, სადაც, ფიზკულტურის მასწავლებლის მონდომებული მუშაობის შემთხვევაში, ყველა შესაძლებლობაა ფიზკულტურულ-სპორტული მუშაობის წარმატებით გაშლისათვის.

დამაკმაყოფილებლად მუშაობენ არგვეთის საშუალო სკოლის ფიზიკური კულტურის მასწავლებლები ი. ბლიაძე და ე. ფანჩულძე.

მასწავლებლები სისტემატურად ადგენენ გაკვეთილების გეგმებს. ყველა მოსწავლე ფორმით ცხადდება მეცადინეობაზე. სათანადო ყურადღება ექცევა მშთ ნიშნოსანთა და თანრიგოსანთა მომზადების საკითხს, რის შედეგად ამ სკოლის მოსწავლეები კარგ შედეგებს აღწევენ რაიონულ შეჯიბრებებზე.

ძალზე ცუდი სპორტული და სასწავლო-მატერიალური ბაზა გააჩნია ჩახის საშუალო სკოლას, მაგრამ ფიზკულტურის მასწავლებელი კ. მაჭავარიანი ცდილობს არაფერი დააკლოს აღსაზრდელებს. იგი ყურადღებას აქცევს მოსწავლეთა მიერ დაშვებულ შეცდომებს და ცდი-

ლობს მათ გამოსწორებას. მასწავლებლის მუშაობას ძალზე აძნელებს ის გარემოება, რომ მოსწავლეთა უმრავლესობა სხვა მ-წლიანი სკოლებიდანაა მოსული და, როგორც წესი, საპროგრამო მასალის შესწავლაზე დაბალ ცოდნასა და სუსტ ფიზიკურ მომზადებას ამჟღავნებს.

დაკისრებულ მოვალეობას ვერ უძღვება საჩხერის 1-ლი საშუალო სკოლის ფიზკულტური აღზრდის მასწავლებელი შ. მაჭავარიანი. იგი გაკვეთილის გეგმებს ისე ადგენს, რომ გაუგებარია, რა მიზანს ისახავს გაკვეთილი. მოსწავლეებმა არ იციან სამწყობრო მომზადებაში ვანკლილი საპროგრამო მასალა (ადგილზე ბრუნვები, ადგილზე სიარული და სხვ.). მასწავლებელი ბავშვებს არასწორად უჩვენებს ვარჯიშებს, რაც მისი მომზადების დაბალ დონეზე მეტყველებს. შ. მაჭავარიანის მიერ ჩატარებულ გაკვეთილებს ორგანიზაციული ხარვეზებიც გააჩნია. ხშირად მასწავლებელი სწორად ვერ საზღვრავს გაკვეთილის დროს—ვერ ასწრებს დასკვნითი ნაწილის ჩატარებას. ნაწილი მოსწავლეებისა უფორმოდ ცხადდება გაკვეთილებზე.

სუსტად მუშაობს მერჯევის საშუალო სკოლის ფიზკულტურის მასწავლებელი ლ. იაკობაშვილი (სპეციალობით—ეკონომისტი). მოსწავლეებმა არ იციან რიგზე გათვლა, ბატაკის ჩაბარება, სამწყობრო სიარული. თვით მასწავლებელს საფუძვლიანად არ აქვს დამუშავებული პროგრამა, რის გამოც გაკვეთილში ითვისისწინებს ისეთ სპორტულ იარაღებზე ვარჯიშს, რაც პროგრამით არ არის გათვალისწინებული. გაკვეთილზე მოსუსტებს დისციპლინა, მოსწავლეთა ნაწილი სპორტული ფორმის გარეშე, დაგვიანებით ცხადდება მეცადინეობაზე. მასწავლებელი ლ. იაკობაშვილი ზუსტად ვერ ანაწილებს დროს, რის გამოც ვერ ასწრებს გაკვეთილის დასკვნითი ნაწილის ჩატარებას. მასწავლებელი არ ადგენს გაკვეთილის გეგმებს.

იაკობაშვილს კლასგარეშე სპორტულ-მასობრივი მუშაობის ჩატარების შესახებ ზრავითარი დოკუმენტი არ მოეპოვება, რის გამოც შეუძლებელია დადგინდეს, რა საქმიანობას ეწევა მოსწავლეთა ფიზკულტურული კოლექტივი.

მასწავლებლის სუსტი მუშაობის შედეგია, რომ მერჯევის საშუალო სკოლის მოსწავლეები დაბალ შედეგებს უჩვენებენ რაიონულ სპორტულ დონისძიებებში.

მართალია, მახათაურის მ-წლიან სკოლაში ვერ მოხერხდა ფიზკულტურის გაკვეთილების მოსმენა, რადგან შემოწმების დღეს მასწავლებელი სკოლაში არ იმყოფებოდა, მაგრამ მასწავლებელ ნ. მუკათარიძის ცუდ მუშაობასა და ბავშვთა ფიზიკური აღზრდისადმი სკო-

ლის დირექციის სუსტ კონტროლზე მეტყველებს ის, რომ სკოლაში თვითღიზნებაზეა მიშვებული სპორტული ბაზების მოვლა-პატრონობის საქმე. სკოლის ფეხბურთის მოედანი ბატების საცურაო ადგილებს უკის გადაქცეული, ხოლო კალათბურთის მოედნის წაქცეული ფარი ელექტრობოძს უჭირავს. მოუწყობელია სპორტული ოთახიც, სადაც მხოლოდ ღერძი დგას, სხვა სპორტული ინვენტარი სკოლას არ გააჩნია.

სოფელ სხეიტორის საშუალო სკოლის IX—X კლასების მოსწავლეებმა (მასწ. ვ. დოლაძე—საშ. სპეციალური განათლებით, იგივე შრომის მასწავლებელი) არ იციან რიგზე გათვლა, პატაკის ჩაბარება. სამწყობრო სიარული, კალათბურთის ბურთის ტარება, კალათში ტყორცნა. ისინი სწორად ვერ ასრულებენ ამანათის გადაცემასა და ხელყუმბარის ტყორცნას. მასწავლებელი ვერ ამჩნევს ვარჯიშის დროს დაშვებულ შეცდომებს, ზოგჯერ არასწორად უჩვენებს ვარჯიშის შესრულების ხერხს. იგი ზუსტად ვერ საზღვრავს იმ თავისუფალ ვარჯიშებს, რომელიც გაკვეთილის მიზნებს შეესაბამება.

ფიზიკურ აღზრდაში არსებული სავალალო მდგომარეობა უშუალოდ იმით არის გამოწვეული, რომ რაიონის განათლების განყოფილება და აღნიშნული სკოლების ხელმძღვანელები საჭირო კვალიფიციურ კონტროლსა და დახმარებას ვერ უწყევენ ფიზიკური აღზრდის მასწავლებლებს. არსებული მდგომარეობიდან თავის დასაღწევად საჩხერის განათლების განყოფილებამ სათანადო დასკვნები უნდა გააკეთოს.

საბჭოთა სკოლის უმთავრესი ამოცანაა აღზარდოს მორალურად მტკიცე, სულიერად და ზნეობრივად სწეტიანი ახალგაზრდობა, რომელიც მზად იქნება, თავისი ცოდნითა და შრომით კომუნისტური საზოგადოების მშენებლობის საქმეს ემსახუროს. ამ დიად მიზანს, ცალკეული სავნების სწავლებასთან ერთად, ემსახურება პიონერული და კომკავშირული მოძრაობა, მთელი კლასგარეშე და სკოლისგარეშე აღმზრდელობითი მუშაობა.

საჩხერის რაიონის სკოლებში იდეურ-ზნეობრივი აღზრდის წარმატებით უშეულოდ არის დაინტერესებული პარტიის საჩხერის რაიკომი, რომლის ინიციატივითაც მალე რაიონის შესანიშნავი კულტურის სახლი პიონერების გამგებლობაში გადავა.

რაიონის პიონერული და კომკავშირული მუშაობის სულისჩამდგმელია ალკკ რაიკომი, რომელიც, ხშირად, თავისი ბიუროს მსჯელობის საგნად ხდის სკოლებში პიონერული და კომკავშირული,

კლასგარეშე და სკოლისგარეშე მუშაობის სხვადასხვა მნიშვნელოვანი საკითხებს.

მოუხედავად ასეთი დიდი ყურადღებისა, რაიონის პარტიკომის და კომკავშირული ხელმძღვანელობის მხრივ, საჩხერის რაიონის სკოლაგანმანათლებლო სკოლებში ჯერ კიდევ სუსტად არის დაყენებული პიონერული და კომკავშირული, კლასგარეშე და სკოლისგარეშე მუშაობა.

როგორც წესი, სკოლებში პიონერული და კომკავშირული მუშაობის მეთოდური ცენტრია რაიონის პიონერთა სახლი, მაგრამ საჩხერის რაიონის პ/სახლა ამ მხრივ ვერაფერს დახმარებას ვერ უწევს სკოლებს. პ/სახლის მუშაკები სკოლების იშვიათი სტუმრები არიან, არ ატარებენ სკოლებთან ერთობლივ ღონისძიებებს, პრაქტიკაში არ აქვთ დანერგული სკოლის ბაზაზე წრის მუშაობისადმი ხელმძღვანელობა.

პიონერთა სახლის დირექტორი ამხ. ნ. კომლაძე უფრო ადმინისტრაციული მუშაობითაა დაინტერესებული, ვიდრე მეთოდურით, ამიტომ ნაკლებად ერკვევა ამ საკითხებში, რომლებიც ძირითადი და წამყვანია პ/სახლის მუშაობაში.

პ/სახლის მუშაობის შესახებ 1975 წლის 29 იანვარს საჩხერის რაიონის კომკავშირის რაიკომის ბიურომ იხსჯელა. მიღებული დადგენილების შემოწმება გათვალისწინებული იყო მიმდინარე წლის ივნისის თვეში, მაგრამ ჯერ არ განხილულა.

შემოწმების შედეგად გამოირკვა, რომ, საერთოდ, საჩხერის რაიონის სკოლებში 10 წლის განმავლობაში არავის შეუსწავლია სასწავლო-აღმზრდელობითი მუშაობა და არც მეთოდური დახმარება გაუწევია ვისმეს. ამის გამო სკოლებში სერიოზული ნაკლოვანებებია. განათლების განყოფილების გამგე ამხ. ჯ. ნადირაძე სულ რამდენიმე თვეა მუშაობს, ის ჯერ კიდევ არ იცნობს ყველა იმ მეთოდურ მითითებას, რომლითაც უნდა იხელმძღვანელონ აღმზრდელობითი მუშაობაში. სკოლებში კლასგარეშე და სკოლისგარეშე აღმზრდელობითი მუშაობის ორგანიზატორის საქმეები არასწორად არის განაწილებული. მათ არ იციან თავიანთი მუშაობის არსი, რის გამოც სკოლები კლასგარეშე და სკოლისგარეშე აღმზრდელობითი მუშაობის დარგში ნაკლოვანებებს განიცდიან. ორგანიზატორები არ ესწრებიან გაკვეთილებს მოსწავლეთა კომუნისტურ სელისკვეთებით ფორმირების საკითხთან დაკავშირებით. კლასის ხელმძღვანელთა მუშაობა დაბალ დონეზეა, დავიწყებული აქვთ პროგრამა ორიენტირი, საკავშირო პიონერული

რული მარშის—„მზად ვარ“—კომუნისტებისაგან ვიღებთ მავალინს
—მარშრუტები. კომკავშირის რაიკომი ისევ არასწორი მეთოდით ხელ-
მძღვანელობს ორგანიზატორების მუშაობას, ესეც ერთ-ერთი მძღვანელობის
თავანია სკოლებში აღმზრდელი მუშაობაში არსებული ნაკლებობა
ნებებისა. მეთოდკაბინეტში კლასვარეშე და სკოლისგარეშე აღმზრდე-
ლობით მუშაობას არავინ ხელმძღვანელობს.

ამის უშუალო შედეგია ის ნაკლოვანებანი, რომელოც ბრიგადის
მიერ იქნა გამოვლენილი სკოლებში შემოწმების პერიოდში.

სახნერის 1-ელ საშუალო სკოლაში კლასვარეშე და სკოლისგა-
რეშე აღმზრდელი მუშაობის ორგანიზატორია ე. ლალანძე
(უმაღლესი განათლება, გეოგრაფი, პედ. მუშაობის სტაჟი 4 წ.).
მას სამუშაო გეგმა გადაწერილი აქვს საორიენტაციო გეგმიდან, აღ-
გილობრივი პირობების გათვალისწინების გარეშე. ძალიან ბევრი სა-
კითხი აქვს გათვალისწინებული შესასრულებლად, რაც არარეალუ-
რია, იგი კომკავშირის რაიკომის დაეალებით მხოლოდ კომკავშირულ
და პიონერულ ორგანიზაციებს ხელმძღვანელობს, რის გამოც კლას-
გარეშე და სკოლისგარეშე აღმზრდელი მუშაობისათვის არ
სკალია.

ესდ შთაბეჭდილებას სტოვეზს კლასის ხელმძღვანელთა გეგმე-
ბი: VII¹ კლ. ხელმძღვანელს, ამხ. პ. დონაძეს სამუშაო გეგმაში შე-
ტანილი აქვს—მშობლებთან ერთად კლასის კრების ჩატარება, სადაც
შემდეგი საკითხების განხილვა აქვს განზრახული:

1. კლასის მამასახლისის ანგარიშგება—არჩევნები;
2. სანიტარული კომისიის არჩევნები;
3. საქართველოს პიონერთა XI რესპუბლიკური შეკრების მო-

ნაწილეთა მიმართვა რესპუბლიკის ყველა პიონერისადმი; რითაც და-
ამთავრა თავის სახელმძღვანელო რაზმთან მუშაობა.

X² კლასის ხელმძღვანელის ამხ. გ. ქველამის სამუშაო გეგმას
არა აქვს სრული სახე. იგი დამთავრებულია თუ არა, ან რა წერია,
ვერვინ ვიცი, ამავე დროს, არავის მიერ არ არის განხილული.

პარტორგანიზაციის მდივანს ამხ. თ. აბუანდაძეს, რატომღაც,
მიზანშეწონილად მიაჩნია, რომ თავის სამუშაო გეგმაში (იგულისხმე-
ბა 1974/75 სასწ. წლის გეგმა) მხოლოდ პიონერული ორგანიზაციის
მუშაობაზე გაამახვილოს ყურადღება. 1975—76 სასწავლო წლის სა-
მუშაო გეგმა მას ჯერ-ჯერობით არ აქვს შედგენილი, ხოლო კომ-
კავშირულ ორგანიზაციაზე ხელმძღვანელობა უშუალოდ ორგანიზატო-
რზეა მინდობილი

კომკავშირის კომიტეტის მდივანი თ. შუკაკიძე X¹ კლასის მოსწავლეა, შედგენილი აქვს 1975—76 სასწავლო წლის პერსპექტიული გეგმა, სადაც ტრაფარეტული დასახელების ღონისძიებებია მოხსენიებული. მან არ იცის პოლიტიკური მუშაობის სექტორის არსი, ვერ ერკვევა საკავშირო პიონერულ მარშრუტებში, არ იცის არც გასული, არც ახალი წლის დღეები. ასეთ ვითარებაში, ბუნებრივია, ვერ გაუწევს დახმარებას პიონერულ ორგანიზაციას, რაზმის ხელმძღვანელებს, ამისთვის იგი სრულიად მოუმზადებელია.

პ/ხელმძღვანელი ამხ. რ. დეკანოზიძე ვერ იჩენს საქმისადმი ქმედით დამოკიდებულებას. პიონერთა ოთახი, მართალია, პატარაა, მაგრამ თვალსაჩინოებისათვის, საკავშირო პიონერული მარშის მიმდინარეობის შესახებ შეუძლია გამოიყენოს სკოლის 1-ლი სართულის ვესტიბული.

სკოლას კარგად აქვს გაფორმებული მხოლოდ მეორე სართული.

მერჯვეის საშუალო სკოლის ორგანიზატორს ავთ. დეკანოზიძეს (ისტორიკოსი, პედ. მუშაობის სტაჟი 4 წელი) სამუშაო გეგმა სორიენტაციო გეგმის მიხედვით აქვს შედგენილი. იგი ვერ გარკვეულათვის ფუნქციებში და ამაში ვერც სკოლის დირექტორი ეხმარება. კლასის ხელმძღვანელთა გეგმები, რომელთა განხილვა, წესით, მას უნდა ევალუბოდეს, მისი კონტროლის გარეშეა, რის გამოც ისინი ვერ ეხმაურებიან თანამედროვეობას.

სკოლაში ერთადაა მოთავსებული პიონერთა ოთახი და ბიბლიოთეკა, რაც ძალზე აძნელებს მათ მუშაობას. ისინი ურთიერთისაგან თხელი ფირფიცრით არიან გამოყოფილი. თვალსაჩინოებისათვის არ არის გამოყენებული სკოლის შენობის ვესტიბული, რის გამოც სკოლა ძალზე ღარიბად გამოიყურება.

არგვეთის საშუალო სკოლის ორგანიზატორი მ. ჯოხაძე აბსოლუტურად ვერ ერკვევა თავის ფუნქციებსა და მოვალეობებში. მისთვის არავის გაუწევია მეთოდური დახმარება, რის გამოც ელემენტარული საკითხებიც კი არ იცის. მთელი მისი მუშაობა ამოიწურება იმით, რომ კომკავშირის რაიკომის მითითებით აღრიცხვიდან მოსახსნელი კომკავშირელების საკითხი უნდა მოაგვაროს, რომელთა რაოდენობა საკმაოდ დიდია. ამხ. გ. ჯოხაძეს აკისრია როგორც კლასის ხელმძღვანელების, აგრეთვე საგნობრივი წრეებისადმი ხელმძღვანელობა. კლასის ხელმძღვანელთა სამუშაო გეგმის შემოწმებისას აღმოჩნდა,

რომ მათი სამუშაო გეგმები სასწავლო ნაწილის გამგეს ზ. მოღებამდე განუხილავს.

X³ კლასის ხელმძღვანელს ა. კერესელიძეს 1975—1976 წლის სამუშაო გეგმა გადაწერილი აქვს IX³ კლასის 1974—1975 სასწავლო წლის სამუშაო გეგმიდან (იგი გასულ წელს ამავე კლასის ხელმძღვანელი იყო), X¹ კლ. ხელმძღვ. ვ. ტოგონიძის სამუშაო გეგმა სრულყოფილი არ არის, რაც იმაში გამოიხატება, რომ ღონისძიებების ჩატარებაში პასუხისმგებელი შემსრულებელი არ არის ნაჩვენები, ასევე არ არის მითითებული შესრულების დრო.

VI-ბ კლასის ხელმძღვ. ც. მოღებამდე გეგმაში აღნიშნავს, რომ დაეხმარება რაზმის ხელმძღვანელს კლასში პიონერული ორგანიზაციის მუშაობის სწორად წარმართვის საქმეში (კი არ უნდა დაეხმაროს რაზმის ხელმძღვანელს, არამედ თვითონ უნდა უხელმძღვანელოს).

უფ. პ/ხელმძღვანელი ზ. გუდაძე ამ სკოლაში მუშაობს 1975 წლის 1/X-დან, ამიტომ მის მიერ შედგენილი სამუშაო გეგმაც ნაჩქარევია, არ არის განხილული და დამტკიცებული პედაგოგიური საბჭოს სხდომაზე. პიფნერთა ოთახი, ფართობის მხრივ, საუკეთესოა, მაგრამ იგი ჯერ-ჯერობითაა მოუწყობელია. როგორც ჩანს, ჯერ კიდევ ვერ მოასწრეს ყველაფრის წესრიგში მოყვანა.

აღსანიშნავია, რომ ბიბლიოთეკის გამგემ ამხ. ნ. მეცხოვრიშვილმა, რომელმაც ასევე 1/X-დან დაიწყო მუშაობა, მოასწრო 5925 ცალი წიგნის დამუშავება, მოკლე დროში მოახერხა მოსწავლეთათვის მხატვრული ლიტერატურის სარეკომენდაციო სიის შედგენა კლასების მიხედვით და ბიბლიოთეკას სასიამოვნო ელფერი მისცა. დროზე მოაწესრიგა ის აუცილებელი, რაც მას მუშაობისათვის სჭირდება—მოასწრო კედლის გაზეთის გამოშვება, გამოფენებისა და ყოველდღიური პრესის განლაგება. მას, ალბათ, ნაქმისადმი სხვებზე უფრო მეტი სიყვარული და მონდომება ამიქმედებს.

ჩიხის საშუალო სკოლის ორგანიზატორი მ. დიდბერიძე (გეოგრაფი, პედ. მუშაობის სტაჟი 5 წ.) ხელმძღვანელობს როგორც საგნობრივ წრეებს, ისე კლასის ხელმძღვანელებს, რაც სწორი არ არის. მის სამუშაო გეგმაში არ იგრძნობა სიახლე, ასევე ზერელე და არაფლისმთქმელია კლასის ხელმძღვანელთა სამუშაო გეგმები.

ბარტორგანიზაციის მდივანი მ. ბიჭიაშვილი ვერ უწევს ქმედით დახმარებას პ/კომკავშირულ ორგანიზაციას. მას 1975—1976 სასწავლო წლის სამუშაო გეგმაც კი არ გააჩნია.

სხვიტორის საშუალო სკოლის კლასის ხელმძღვანელთა გვეგმებში იმის გამო, რომ სკოლის დირექციის სათანადო კონტროლსა და მარებასა მოკლებული, საესეა შეუსაბამობით. ზოგიერთი ერთმანეთს სავანაა გადაწერილი (IX-ა და IX-ბ კლასების ხელმძღვანელების გ. გელაბახანისა და ნ. ქიტაძის). პიონერული კლასების ხელმძღვანელთა გვეგმებში არ არის გათვალისწინებული პროგრამა-ორიენტირი, ყურადღება არ ექცევა საკავშირო პიონერულ მარშებსა და სხვ.

სკოლის ორგანიზატორი მუშაობაში არ ხელმძღვანელობს ერთიანი სამუშაო გვეგმით. იგი უპირატესად დაკავებულია სკოლის დირექტორისა და სასწავლო მუშაობის დარგში მისი მოადგილის ყოველდღიური დავალებების შესრულებით. სკოლაში არ იგრძნობა მისი ხელმძღვანელი როლი.

პიონერთა ოთახის ნახვა, პ/ხელმძღვანელის არყოფნის გამო, ვერ მოხერხდა, მაგრამ თუ, საერთოდ, სკოლის ვაფორმებით ვიმსჯელებთ, სადაც პ/ორგანიზაციის სახეც უნდა ჩანდეს, არც პ/ოთახში იქნება იდეალური მდგომარეობა.

სკოლის ე. წ. ბიბლიოთეკა საშინელ მდგომარეობაშია. იგი ღია ვერანდაზეა მოთავსებული და წიგნებზე თარეშობს წვიმა და ქარი. ამ „ბიბლიოთეკით“ სარგებლობა ყოველდღე შეუძლებელია.

ზემოაღნიშნული სკოლების პ/ხელმძღვანელთაგან ბელნიერ გამონაკლისს წარმოადგენს იტავაზის რეაწლიანი სკოლის უფ. პიონერ-ხელმძღვანელი ნ. შაოშაძე. ამ სკოლაში ა/ოთახი ხარმალურად გამოიყურება—გამოფენილია საკავშირო პიონერული მარშის—„მზად ვართ“, „კომუნისტებისაგან ვიღებთ მაგალითს“—ყველა მარშრუტის მასალები. პ/ხელმძღვანელს შედგენილი აქვს პერსპექტიული გეგმა, იგი კარგად ერკვევა მიმდინარე პოლიტიკურ მოვლენებში.

ცალკე უნდა აღინიშნოს ქორეაის საშუალო სკოლის მხარეთმცოდნეობის მუზეუმის შესახებ. მისი შექმნის ინიციატორია ამ სკოლის ყოფილი მასწავლებელი, ამჟამად საჩხერის რაიონის განათლების განყოფილების სასკოლო ინსპექტორი მ. გოგატიშვილი. აღნიშნულმა მუზეუმმა თავი მოუყარა ისეთ უნიკალურ ნიმუშებს, რომლებზეც განთქმული სახელმწიფო მუზეუმებიც არ იტყობენ უარს. მუზეუმი შესანიშნავ დარბაზშია მოთავსებული. სტენდები ისეა განლაგებული, რომ ქრონოლოგიური თანმიმდევრობით მოგვითხრობენ საჩხერის რაიონში აღმოჩენილ სიძველეთა შესახებ—ქვეყნის ისტორიაზე. ქორეთის საშუალო სკოლის მხარეთმცოდნეობის შესახებ წერილები დაი-

ბექდა შორეული იაპონიის პრესაში. მისი მუშაობა განზოგადდეს
ღირსა.



როგორც საკითხის შესწავლიდან ირკვევა, რაიონის სკოლებში სათანადო დონეზე ვერ დგას პიონერული და კომკავშირული მუშაობა, მათ ვერავითარ მეთოდურ დახმარებას ვერ უწყევს რაიონის პიონერთა სახლი, რომლის მუშაკები თვით საჭიროებენ მეთოდის ზოგიერთ საკითხში გარკვევას. ვერც ზოგიერთი სკოლის პ/ბარტორგანიზაციის მდივნები იჩენენ საჭირო მზრუნველობას ამ ორგანიზაციებისადმი, ხოლო ბევრ კლასგარეშე და სკოლისგარეშე აღმზრდელობითი მუშაობის ორგანიზატორს საკუთარი უფლება-მოვალეობაც ვერ გაურკვევია. შემოწმებიდან ჩანს აგრეთვე, რომ პიონერული და კომკავშირული კლასების ზოგიერთი ხელმძღვანელი ღრმად ვერ ერკვევა პედაგოგიკის ძირითად საკითხებში, მათ სამუშაო გეგმებს ატყვია საქმის უცოდინარობისა და ზოგჯერ კი არაკეთილსინდისიერების ნაკვალები. უფ. პიონერ-ხელმძღვანელებს, ხშირად, უჭირბ მუშაობის ისე წარმართვა, როგორც ამას საქმე მოითხოვს, რადგან არ გააჩნიათ საამისო ბაზა, მხარდაჭერა და დახმარება უფროსი ამხანაგებისგან, კოლეგებისგან.

სასწავლო-აღმზრდელობითი მუშაობის ერთ-ერთი ნაცადი და გამართლებული ფორმაა საგნობრივი წრე. აქ იკმაყოფილებს მოსწავლე ცოდნის იმ წყურვილს, რომლისათვისაც შეიძლება გაცვეთილი არც კი იყოს საკმარისი. რა მდგომარეობაა ამ მხრივ საჩხეროს რაიონის სკოლებში?

წრეობრივი მუშაობის კარგ მაგალითს გვიჩვენებს ჩიხის საშუალო სკოლის ქართული ენისა და ლიტერატურის მასწავლებელი მ. ბიჭაშვილი. მართალია, ზოგიერთი დოკუმენტის გაფორმებაში მას შეცდომებიც აქვს დაშვებული (რაზეც საუბარში მიეთითა), მაგრამ ქებით უნდა აღინიშნოს, რომ ლიტერატურის წრის ღონისძიებანი საკლასო ოთახში არ გამოუყვტია. ლიტერატურის წრის წევრებს ჩაუტარებიათ ვარდობის თვისადმი მიძღვნილი საზეიმო შეკრება და ამ შეკრებაზე რაიონის მოწინავე ადამიანები მიუწვევდათ.

წრეს გააჩნია მუშაობის ამსახველი, გემოვნებით გაფორმებული ალბომი, სამუშაო გეგმა, ოქმებისა და დღიურების რეჟული. აღნიშნული წრის წევრები აქტიურად მონაწილეობენ თბილისის პიონერთა და

მოსწავლეთა სასახლის საკრებულო „ქართული ენის საუნჯის“ მუშაობაში.

ცუდად მუშაობენ რუსული ენის სავნობრივი წრეები რაიონის თითქმის ყველა სკოლაში. მოსწავლეთა გათვითცნობიერების საკმეში არ იყენებენ იმ მდიდარ მესაძლებლობებს, რომლებიც ამ საკმეში გააჩნიათ სასკოლო ბიბლიოთეკებს.

მთლიანად რაიონის სკოლებში არ დგას სათანადო სიმაღლეზე ისტორიის სავნობრივი წრეების მუშაობა, ხშირად მოსწავლეებს ეძლევათ ასეთი თემები, რომლებიც ვერ უნერგავენ კვლევით ჩვევებს.

მსგავსი ვითარებაა გეოგრაფიის წრეების მუშაობაშიც, თუ არ ჩავთვლით ქორეთის საშუალო სკოლის მხარეთმცოდნეობის მუზეუმს, რომლის შინაარსიან მუშაობაზე ზემოთ აღნიშნა.

რაიონის ზოგადსაგანმანათლებლო სკოლების მუშაობის კოორდინაციას აწარმოებს განათლების განყოფილება, რომელიც თავისი სასკოლო ინსპექტორებისა და მეთოდკაბინეტის მეთოდისტების საშუალებით კონტროლსა და დახმარებას უწევს მისდამი დაქვემდებარებულ სკოლებსა და სკოლისგარეშე აღმზრდელობით დაწესებულებებს.

განათლების განყოფილება სპეციალობათა მიხედვით კარგად არის დაკომპლექტებული: გამგე—ნ. კ. ნადირაძე მათემატიკოსია, სასკოლო ინსპექტორები—რუსული ენისა და ისტორიის სპეციალისტები, ხოლო მეთოდკაბინეტი კი ისტორიის, ფიზიკის, უცხო ენისა და ქართული ენისა და ლიტერატურის სპეციალისტებით არის წარმოდგენილი.

განათლების განყოფილებას შეუსწავლია სასწავლო-აღმზრდელობითი მუშაობის მდგომარეობა ჯალალეთის საშუალო სკოლაში 20—31 ოქტომბერს, გორისის საშუალო სკოლაში—20 ოქტომბრიდან 1 ნოემბრამდე და ორღულის 8 წლიან სკოლაში—29 ოქტომბერს, მაგრამ შემოწმების დროისათვის საკითხი ჯერ კიდევ არ იყო განხილული სახალხო განათლების საბჭოზე.

განათლების საბჭოს სხდომაზე განუხილავთ საქართველოს სსრ სახალხო განათლების კანონმდებლობის საფუძვლები.

უნდა აღინიშნოს, რომ საჩხერის რაიონში, ადრე, ფუნქციონირებდა პედაგოგიური ცოდნის სახალხო უნივერსიტეტი, დღეს იგი, რატომღაც, გაუქმებულია.

რაიონის პედაგოგიური კაბინეტი (გამგე ამს. კ. ხოჯაშვილი) მეთოდურ ხელმძღვანელობას უწევს 17 საშუალო, 15 რვაწლიან, 16



დაწყებითსა და 6 საღამოს საშუალო სკოლას. ბუნებრივია, მუშა-
კით წარმოდგენილ ამ დაწესებულებას, რომელსაც ფაქტობრივად
პექტორო მუშაობაც უწევს, გაუჭირდება თავი გაარბობის
რებულ მოვალეობას. ამას ისიც აუარესებს, რომ ზოგიერთ მეთო-
დისტს კარგად ვერ გაუვია მუშაობის არსი, უჭირს სამუშაო გეგმის
სწორად შედგენა და ამის გამო მუშაობის სწორად წარმართვა.

ქართული ენისა და ლიტერატურის მეთოდისტ ნ. ქაქთარაძეს,
მიუხედავად გამოუცდელიობისა, არ აკლია არც თეორიული
ცოდნა და არც მეთოდური ოსტატობა. მის მიერ მოსმენილი გაკ-
ვეთილების ანალიზები, საერთოდ, დამაკმაყოფილებელია, მაგრამ აკ-
ლია კონკრეტულობა.

ქართული ენისა და ლიტერატურის მასწავლებელთა სექციაში
(ხელმძღ. შ. გულიაშვილი) 87 პედაგოგია ვაერთიანებული. სექციის
სამუშაო გეგმაში, მთელი რიგი საჭირო საკითხების გვერდით, ვხვდებ-
ით ისეთებსაც, რომელთაც არაფრის მიცემა არ შეუძლიათ
მასწავლებელთა ფენის და, საერთოდ, საკითხებად შეიძლება მარც კი
ჩაითვალოს. მაგალითად: „დემოგრაფიული ცნობები ქართული ენისა
და ლიტერატურის მასწავლებელთა შესახებ“, „კურსებგაუვლელ მას-
წავლებელთა აღრიცხვის ეურნალის შექმნა და ლექტორის გამოყოფა“
და ა. შ. გარდა ამისა, გეგმაში არ არის მითითებული, როდის
უნდა შესრულდეს ესა თუ ის საკითხი და ვინ აგებს პასუხს მის შეს-
რულებაზე.

ქართული ენისა და ლიტერატურის მასწავლებელთა სექციის
სხდომაზე მასწავლებლებს მოუხსენიათ მოხსენებები ისეთ საჭირო სა-
კითხებზე, როგორცაა: მეტყველების განვითარება სახე-პერსონაჟის
დახასიათებისა და ლიტერატურის თეორიის სწავლებისას; მოსწავლე-
ებში დამოუკიდებელი მუშაობის ჩვევების აღზრდა და სხვ. მაგრამ,
მათ გვერდით ვხვდებით ისეთ მოხსენებებსაც, რომელთა მოსმენა, თა-
ვისი დაბალი შეცნობიერებული დონის გამო, დროის ფუჭად დაკარგვად
უნდა ჩაითვალოს. ასეთია, მაგალითად, დ. შ. მოდებაძის მოხსენება—
„მეტყველების კულტურის საკითხები საშუალო სკოლაში“. ჯერ ერ-
თი, თვით თემის სათაურია არასწორად ფორმულირებული და, მეო-
რეც, მოხსენების შინაარსი აშკარად მეტყველებს, რომ თვით მის
პატრონს დასჭირდება იზრუნოს საკუთარი მეტყველების კულტურის
ამაღლებაზე. ასეთ შემთხვევაში მეტი სიფხიზლე მართებთ მეთოდის-
ტსა და სექციის ხელმძღვანელს.



განათლების განყოფილების მეთოდკაბინეტში შექმნილია ^{საბავშვო} თვე გერმანული და ინგლისურა ენების მასწავლებელთა მეფუძვნილი ერთიანება (ხელმძღვანელები ვ. კაპანაძე და ნ. ქავთარაძე) მასალები, მოყოლებული 1968 წლიდან, ერთად არის შენახული. ყველა გვემა ერთ რვეულშია მოთავსებული და ყოველწლიურად მხოლოდ ორი სხდომაა ჩატარებული—აგვისტოსა და იანვრის თვეში. რაიონის უცხოური ენების მასწავლებლებს შორის არ არის დანერვილი გაკვეთილებზე ურთიერთდასწრება გამოცდილების გაზიარების მიზნით, არ ხდება მოწინავე მასწავლებელთა გამოცდილებს გაზიარება. მასწავლებლები არ ეცნობიან თანამედროვე მეთოდიკას, მეთოდკაბინეტის სტენდზე გამოკრული იყო 1967 წ. გამოშვებული შ. შათირიშვილის ბროშურა „გრამატიკის სწავლების მეთოდია საშუალო სკოლაში“. მეთოდკაბინეტში არ აღმოჩნდა ჟურნალის „უცხოური ენები სკოლაში“ არც ერთი ნომერი. ასევე დაბალ დონეზეა შესრულებული მასწავლებელთა რეფერატები, რომელთაგან რაიმე მეთოდური დახმარების მიღება შეუძლებელია. მაგ.: „როგორ მივიყვანოთ ბავშვები ახალი სიტყვების გავგამდე“, დედაენისა და რუსულის გავლენა გერმანული ზებირმეტყველების ჩვევის გამომუშავების პროცესში“. რეფერატში „V კლასში ახალი სახელმძღვანელოს თავისებურებანი“—სახელმძღვანელო კი არ არის განხილული, არამედ, უბრალოდ, აღნიშნულია მასში მოცემული სავარჯიშოები და პარაგრაფები და ერთი სიტყვა არ არის ნათქვამი, თუ როგორ უნდა იმუშაონ ამ სახელმძღვანელოთი. ინგლისურ ენაში არც ერთი საკითხი არ არის დამუშავებული. შედარებით დამაკმაყოფილებელი იყო ფრანგული ენის მასწავლებლის მიერ დაწერილი თემა „კლასგარეშე მუშაობის საკითხები“, „სწორ კითხვასა და წარმოთქმაზე მუშაობის გზები და მეთოდები“. საჩხერის რაიონის განათლების განყოფილების მეთოდკაბინეტის ასეთმა მუშაობამ განაპირობა ის, რომ უცხოური ენის მასწავლებლები ძველი მეთოდით მუშაობენ, არ იცნობენ სწავლების თანამედროვე ხერხებსა და მეთოდებს.

სკოლასთან არსებული დ/კლასების მასწავლებელთა მეთოდგაერთიანების გვეგებში ასახული თემატიკა ძირითადად დამაკმაყოფილებელია, პრაქტიკული ხასიათისაა. მაგრამ, აღნიშნულ მეთოდგაერთიანებათა მუშაობა მაინც ვერ ჩაითვლება სრულყოფილად. ხელმძღვანელებს არა აქვთ მასწავლებელთა აღრიცხვისა და დემოგრაფიული ცნობების ჟურნალი. ოქმში თითქმის არაფერია ნათქვამი, თუ რა აზრი და რა შენიშვნები გამოითქვა დამუშავებული თემის ირგვლივ, რა



წინადადებები იქნა წამოყენებული მეთოდგაერთიანების წევრობაში /
 თემაში თითქმის არ არის არც ერთი მაგალითი მასწავლებლებზე და
 დი გამოცდილებიდან.

რაიონის მეთოდკაბინეტი (დ/კლ. მეთოდისტი ც. ქავთარაძე) სუსტად ახორციელებს კონტროლს სკოლებში მეთოდგაერთიანებათა მუშაობაზე. გაკვეთილების მცირე რაოდენობაა მოსმენილი სკოლის ხელმძღვანელების მიერ. ანალიზებში გამოკვეთილად არ ჩანს, თუ რა იყო გაკვეთილის დადებითი და უარყოფითი მხარე, რა ძირითად საკითხებზე უნდა გაამახვილოს მასწავლებელმა ყურადღება.

რაიონულ მეთოდგაერთიანებას რუსულ ენაში ხელმძღვანელობს საჩხერის პირველი საშუალო სკოლის მასწავლებელი რუფაიანის ასული ლონლაძე, მას აქვს რაიონში მომუშავე რუსული ენის მასწავლებელთა აღრიცხვა, საერთო ცნობები მათ შესახებ, სამუშაო გეგმა, მასწავლებელთა მიერ დამუშავებული თემები და მოხსენებები. მაგრამ უნდა აღინიშნოს ისიც, რომ მთელი რივი თემებისა დაწერილია უწიგნურად, შეცდომებით, უსულგულოდ, ატარებს ფორმალურ ხასიათს. ასე მაგალითად, საჩხერის პირველი საშ. სკოლის მასწავლებელს (?) დაუმუშავებია საკითხი: „გაკვეთილის აგებულება“ (О построении урока)—ეს არის ნიმუში საქმისადმი უსულგულო და ფორმალური დამოკიდებულებისა: 2 გვერდზე ჩამოთვლილია გაკვეთილის ცალკეული მომენტები, მთელ რივ ნამუშევრებზე (წინა წლებისა) აწერია მხოლოდ ჟემა, ხოლო ვინ დაამუშავა, რომელი სკოლის მასწავლებელია, რომელ სასწავლო წელს—არ არის მონიშნული. ძალზე უწიგნურად და შეცდომებით არის დაწერილი მახათაურის მ-წლიანი სკოლას მასწავლებელ მ. გელაშვილის მოხსენება თემაზე: „თვალსაჩინოების გამოყენება მე-5 კლასში“, ასევე სამარცხვინოდ არის დაწერილი თემა: „ნ. ოსტროვსკის რომანის „როგორ იწრთობოდა ფოლადის“ ცალკეული ნაწყვეტების შესწავლა X კლასში“, ვის ეკუთვნის ეს ნამუშევარი, ვერ დავადგინეთ. ასეთი ფორმალური მიდგომა მეთოდგაერთიანების მუშაობისადმი ყოველად დაუმეგებელია, აქ ნათლად ჩანს, რომ მეთოდგაერთიანება ვერ ასრულებს თავის ძირითად ამოცანას: არ არის გაშლილი მუშაობა მასწავლებელთა თვითგანათლების ეფექტურობის გაზრდის მიზნით, ვერ ხერხდება მასწავლებელთა გამოცდილების ურთიერთგაზიარება, საჩვენებელი ღია გაკვეთილების ჩატარება.

ტექნიკური საშუალებების, თვალსაჩინოების ფართოდ გამოყენების გარეშე დღევანდელი გაკვეთილი ძნელად წარმოსადგენია. მიუ-

ხედავად ამისა, ბრიგადის წევრებს გაუჭირდათ ენახათ ვაკეში
სადაც ყველაფერი ეს იქნებოდა. ამ საქმის გამოსწორებისათვის უნდა
ზრუნავდეს ფილმოტეკა (გამგე თ. საღუნისვილი), მაგრამ საქმის
ფართის უჭონლობა იმის შესაძლებლობასაც კი არ იძლევა, რომ ფილ-
მები დამუშავდეს და სკოლებმა ავი დროულად გამოიყენონ. გარდა
ამისა, საჭირო სასწავლო ფილმების მცირე რაოდენობის გამო, ყვე-
ლა სკოლას არ ძალუძს ამ ტექნიკურ საშუალებათა სიკეთით სარგებ-
ლობა. თვითონ ფილმოტეკის გამგე ახალი მუშაკია და უეჭველად
საჭიროებს ამ საქმეში გათვითცნობიერებას.

შემოწმების მასალები სრულად წარმოგვიდგენს საჩხერის რაიონის
სკოლების მუშაობის ავ-კარგს. ჩანს, განათლების ადგილობრივმა ორ-
განოებმა საჭირო დასკვნები უნდა გააკეთონ არსებულ ნაკლოვანებათა
აღმოსაფხვრელად.

ბრიგადის წევრებს საჭიროდ მიაჩნიათ საკითხი განხილულ იქნეს
განათლების სამინისტროს კოლეგიის სხდომაზე.

ნ. გიორგობიანი
თ. მელქაძე
მ. დევდარიანი
თ. ავალიშვილი
ზ. ოდიშარია

ნ. ახვლედიანი
გ. გიორგობიანი
ნ. ბენდიანიშვილი
ლ. ჯანიაშვილი
ი. უგულავა
ე. ქურციკიძე (ხელმძღვანელი)

სპ. 53/7



ზინაარსი

1. ბრძანება № 1065—სკოლის თაობაზე. სკკპ XXIV ყრილობისა და სკკპ ცენტრალური კომიტეტისა და სსრ კავშირის მინისტრთა საბჭოს მომდევნო დადგენილებათა შესრულების შესახებ საჩხერის რაიონში